

一户馬

壹口

一户沈

三大壹口

一户沈

宇大壹口

一户金

玉大壹口

一户徐

雲大壹口

一户殷

招大壹口

一户黃

秀大壹口

一户徐

先大壹口

一户周

鄉大壹口

Seal impression or stamp at the bottom left corner.

省菴先生集序



皇明賜進士第中順大夫南京鴻臚寺卿年家晚生王樵謹

秋官大夫陳君間過予出其先集
示予曰此先大父省菴公之文也
先大父弱冠舉進士為侍御史嘉
靖初以諍大禮謫官合浦稍遷
至廉察尋以註誤還山日夕惟閑

戶讀書仕宦幾三十年清貧如寒
士平生工于文尤獨喜歐陽公之
文此數卷者乃其僅存者耳願乞
一言以垂不朽予受而讀之其論
事不繁主於意達而忠懇切至足
以動人其詩清遠得風人之體信
哉其有得於歐陽公也與弘正間

文極盛矣作者力追古始韓歐而
下弗道也而公獨喜歐陽子蓋先
哲之論文也曰正不必似之夫能
之而不必似之不必似之而得其
妙者乃善為古者也司馬子長班
孟堅雄于文者也至其述書春秋
及班氏用子長語時或損易其言

輒不佳至其縱橫變化馳騁如意
曲盡其妙者乃不必于模倣而得
古人之神情意款者也宋人濮議
至本朝而定公喜歐陽子而諍
大禮乃與濮議相反此見公之
有執而善用歐也歐陽公晚年致
位政府而未盡其用平生遭讒謗

忌嫉及退老穎上不過數年而謝
世矣公蚤年合浦之行與夷陵事
同及位藩省去執政不遠而遽卷
而懷之優游於雲林泉石之間者
二十年其歸閒之樂視歐陽公則
有餘矣大夫若清修練達文學蘊
藉不啻似之茲集之傳其奚俟乎

人之言抑予之先君與公同舉進士有世誨之誼焉辱大夫有請不揣而序之

萬曆五年歲次丁丑七月朔日序



省菴先生漫稿卷之一目錄

七言律詩

送張郡伯考績北上

送黃汝吉還閩次張龍湖天官韻二首

秋興和杜韻八首

詠楊丞某平賊

送方伯屠東洲擢光祿北上

遊樵谷山次中谿李代巡韻

壽長洲魏翁七十

陸山人招飲觀菊卽席限韻

陸山人壽誕值閏九月十四詩以賀之

挽友蘭錢翁

送肅菴王郡守 二首

燕周氏園亭和侍御錢爾載韻

殘春拂水岩和錢韻

邑庠諸友携卷索詩再贈呂秦麓

小谿爲孟大尹賦

送朱武卿簿漳浦

題漁隱讀書臺

壽菊林金封君六袞

送文邑訓蘭谿奔喪歸南海

送前山何邑諭遷廬江令

題沈子魚天潭山房 二首

三圃題贈陸生

廬隱題贈吳山人

水車和楊夢羽憲副韻

秋懷和韻

早秋夜坐

題北門鎖鑰贈澤山馮大尹城福山

吳門鎖鑰爲邑令王蒼野賦

送陳司訓綸

壽心穀張山七表

送鈕石溪尹福清

壽鳳塘徐先生六表

街恩俚詠贈周巡按

畢潭

詩壽藩伯李學樵先生

春日飲沈鴻臚山居用陳司成韻

壽名醫顧君六十

雲隱

出張家灣 二首

送潯州府經歷錢明輔

賀查母六表

舟次濟河呈董憲副相

次清溪步周子厚韻留別并致同年陳仲詢

松泉

憶金陵

沙溪道中口號

草萍驛和見素韻

時以議大禮諦廣東

宿葛陽驛

舟泊贛州

南康呈林以乘憲副時聞西報有感

初抵合浦次高教諭應經韻

謁寓賢祠

還珠亭

送王才伯翰林

宴集王用儀池館志懷用杜韻

舟發羊城

題八賢祠在肇慶府

和韻谷高教諭應經

詠鶴贈方思道僕名鶴者車效世

范氏山莊

畫竹

題丹符世家卷

曉坐書懷兼憶方棠陵

賀友人得子

潯江夜泊

發東津

泊懷澤驛

沂火煙驛

賓陽道中十詠

送高邑諭繼道登海角亭

八賢祠和韻

曉發真定抵趙州宿

洪山寺午憇和沈憲副平墅韻

萬安橋館

題補菴潘封君重恩雙壽圖

滿月

行役苦暑呈張東沙

詩賀高大行東王使琉球事竣北還

黃田驛遇雨漫志

春日學署觀緋桃酬江午坡督學韻

閩中思親

唐憲副夫婦雙壽詩

送東明大尹沈廷材

世壽堂爲周憲僉賦

七言絕句

送陳節推考績

送邊判府部糧赴上

鑿鑿自命無礙

季明德郡守索悟真篇昇之併書其端

詩謝張公儀郡守併賀病痊和來韻

和韻復張公儀郡守

城上紀事用進士查子孝韻

思竹

望夫石

可山贈陳鑿士

詠竹和真雲峰韻

挽王尹

題秋景

詠懷椿

贈地師詹愛山

送侍御馬子莘朱必東言事被譴削籍還鄉

舟發韻州寫懷用周憲副子厚韻

木港營

問同年王用儀遷居

舟中次韻

江湖勝覽卷

佳城八景詩

九日宿成安府館和壁間韻

又王臺驛和壁間韻

題龍眼

謝包大惠荔枝

七言古風

排律

寄題一丘瓦石山次李中溪代巡韻

山在福建泉州府

虞山高頌壽東臯陸封君

送學諭呂秦麓赴國子助教

分題得七檜寒青歌贈白熙齊擢教泗水

霧隱歌贈張山人

壽梅石朱君六索

詩贈龍川大尹螺湖先生行

送南京監察御史屠文厚

伏波將軍祠

在橫州烏蠻灘

送李縣尹北行

喜雨謠

東山舊隱歌贈高邑諭繼道

吳司空東湖書院

邯鄲懷古

五言律詩

送縣尹孟小溪考績北上

四首

春泉別墅

贈錢汝明

郊遊次楊夢羽韻

挽豐城范翁 二首

壽季山人六十

庠友携卷再贈白文學熙齋

春泉為王鑿士賦

小山

綠漪為王丞佩錫賦

送仇前溪司訓擢平和學諭

題漁隱讀書臺

禁獄 巳亥 二首

送周邑訓鑛嘉興學諭

思仁卷

夢楂卷次韻

濛濛驛夜泊次周子厚韻

過太平驛次李宗魯韻

遊三海崑

浣浴軒

橫州道中

肇慶遊七星巖和蕭侍御執天韻 二首

過金山艤舟登眺和韻

東川

邯鄲夜集分韻得桃字

三山懷張東沙和韻

九鯉湖夜宿 二首

夜坐

芋原阻漲

送別夏寧湖通府

甘鈍題贈陸君

海東柱石篇

蒼野

登歸宗岩

首夏登達觀亭和韻

曉發廣城十七韻呈李宗魯掌科

竹里

舟次橫丹渡述懷寄呈李僉憲傑二十四韻

壽朴菴鄭翁 臨江守鄭雪齋

一卷目錄

卷之三

目錄

省菴

漫稿卷之一

海虞陳迥著

孫國華編輯

曾孫星樞較梓

七言律詩

送張郡伯考績北上

吳門悵別意何如旭日冠裳擁使車最蹟合收循吏傳才

名不忝薦賢書黃封舊事應登覽青瑣新恩早拜

除便殿或咨經世江南人已困征輸

送黃汝吉還閩次張龍湖天官韻

春深蓬藿看雲眠飛蓋雙旌記昔年

雙旌山名在福清縣南數里

事在

夢中常莞爾君來天上忽茫然談玄月到留徐榻送別筵

開憶戴船吳嶺粵山應萬疊可堪回首各風煙

其二

遠叩雲霄瞻畫省還從巖穴扣編蓬百年孝義碑銘外四海交情別詠中此去劍光應指極秋來鵬翼擬搏空閩南舊識如相問爲報婆婆學固窮

秋興八首

和杜韻

萬里商飈吹白林五陵松柏自森森馮唐老去辭郎省顏駟秋來滯漢陰今古乾坤成底事江湖廊廟總關心夢回伏枕渾無賴孤月鳴蟬催斷砧

其二

碧天過鴈受風斜歲事牽情兩鬢華鐘鼎勲名歸斷梗湖山踪跡寄浮槎月明江上吹桓笛日落城頭奏暮笳啼鴉一聲芳草歇溪流時濺白蘋花

其三

徙倚高樓送夕暉水村山郭總霏微風帆半渡江濤落雲壑全冥木葉飛過懶久拚生計盡索居真與世情違賞心催赴鄰翁約蓉菊花開蟹正肥

其四

曾向雕房閱置棋仙蹤飄忽使人悲草根零露溥荆杞馬首西風隔歲時翔鷗九霄煙漠漠啼猿三峽月遲遲錦帷

瓊履無消息欲赴高丘寄遠思

其五

神都扼險俯群山地軸天樞指顧間桂殿香風傳九陛霜
城巖角動三關侍臣簪筆曾披膽

聖主垂衣數借顏去國廿年成濩落獨餘清夢遶鸞班

其六

閭闔風回青海頭羽書日日報防秋綠邊鐵壘需秦險掃
穴龍韜結漢愁底事塞翁規失馬可應野老解忘鷗書生
籌國無竒策

帝德勤沾十二州

其七

閑將時序數神功歲月奔湍感慨中噪日暮鴉歸故堞拂
雲秋隼戀剛風谿松過雨參差碧汀蓼迎霜淺淡紅蔣逕
就荒陳榻冷論心惟有鹿皮翁

其八

燕臺北望路透迤草滿長干水滿陂霜葉紅於三月曙宮
花黃發萬年枝煙雲潤積銅駝古星漢光回斗柄移伏櫪
有懷嗟歲晚碧窓圖史鬢絲垂

詠楊丞其平賊

讀詩厭讀垂老別眼底風塵俄一驚渤海治繩人已杳潢

池鳴鐵淚堪傾飛鴻江步繁檣集眠犢沙墟片月明聞道
哦松心獨苦至今葑屋有歌聲

送方伯屠東洲擢光祿卿北上

五月光風吹路槐紫薇旌節拂晨開匡時德政薰南服撼
俗霜標識北臺嘉靖癸未公為御史迤忝班末江海別筵歌九戩雲霄清
署接三台懸知異寵行沾渥白馬勲名陋漢才

遊樵谷山次中谿李代巡韻

神州碧海接玄冥窈窕仙峰擁翠屏徑遶竹淙斜度憶天
圍石屋坐談經禪林日淨鳥雙下岩館葉飛雲半扃此去
尋真應不遠前驅欲發轡還停

壽長洲魏翁七十翁鶴山後裔

鶴骨峻嶮髮半玄太平人物古稀年佳辰樂奏懸弧曲愛
日春回戲綵筵賓宴即看諧郡選儒風應不愧家傳溪山
百里雲檣渺漫寄椿庭介壽篇

陸山人招飲觀菊即席限韻

三徑松雲印夕陽坐來沉醉是吾鄉寒花不負西風約客
思真如流水長旋覺名香傳几席却憐甘谷煥文章光陰
過客催今古莫怪當年笑語狂

陸山人壽誕值閏九月十四日詩以賀之

杪秋羲曆歸餘月在堯天數落糞吟杜課詩歌壽誕賀

觴拳菊泛晴馨高車塵擁王官谷華月光浮處士星漫述
諺懷抒別禱生辰逢闈得脩齡
悲風落木撼江天仙夢驚摧大耋年緱嶺過雲迷怨鶴鹿
門晴樹領蒼煙文章身後傳家譜福履生前介壽編鄉論
不違流望邈夜臺豐碣照芳阡

百里送肅菴王郡守

二首

戀別津亭擁使車雲霄行色際扶輿中原麟鳳才無忝南
國藩垣意有餘爲國三年經濟畧憂民十卷文量書漢廷
卿相須良牧會見

殊恩渥禁除

其二

公從禁近牧南州儒術官方事事優玄度澤鍾春澗水
清操霜凜栢臺秋身酬庶務渾忘劇志在蒼生數帶憂敷
奏定知書上考借恂還擬扣

龍樓

燕周氏園亭和侍御錢爾載韻

雨霽風恬二月天浣溪高興屬君先醉臨花鳥春歸我吟
對湖山骨半仙鍾鼎不教催白髮笙歌長自戀芳年名園
勝會都堪紀一曲陽春與共傳

殘春拂水岩和錢爾載韻

溪頭行遍復山頭春色春聲取次休
迅晷無情催我老東風如客倩誰留
放歌獨上鄰霄石得意徐歸待月舟
碧水波澄天籟寂也知隨處有瀛洲

邑庠諸友携卷索詩再贈呂秦麓

空江浴日暮雲明送客深秋太劇情
不爲唐音憐鄭老直從漢史識蕭生
三吳冠帶園師席萬里風雲走使旌
交態一腔何處寫殷勤重贈短歌行

小谿爲孟大尹賦

蓮崖鰲岫湧平川素浸分流更渺然
龍度碧雲封絕澗春

還晴島散蒼煙靈源遙浸三門月
華潤平添九曲泉爲羨結廬人似玉
石梁芳漱自年年

送朱武卿簿漳浦

閩山萬疊道倭遲少尹鳴琴去不悲
久迂文章憎命達却憐風節有人知
催科定考陽城簿註疏還傳慶忌詩
若過晦翁祠下路爲余歇馬探殘碑

題漁隱讀書臺

徵君晚節傲風塵築室江臯枕白雲
門外過從無俗駕座中揚擢但人文
秋帷早對韓檠火蠹簡時需鄴架芸
我有五車渾未閱空將華髮嘆離群

壽菊林金封君六袞

封君隱德能敦俗令子才名况絕塵七月秋風臨瑞節百
年星甲中生辰華堂綵侍壺天近碧海盃傳壽域臻鳩杖
即隨龍詔錫聯翩多福贈長春

送文邑訓蘭谿奔喪歸南海

驚飈入幕慘雲收此日違君不盡愁吳地衣冠懷教澤楚
天風雨滯歸舟三年作宦悲思劇萬里奔喪淚血流歲月
若更情事闕莫將功業付滄洲

送前山何邑諭遷廬江令

郎宿澄輝趣宦程清溪涵旭柳微明人從鱸席懷芝宇我

向荆臺識使旌百里山城聊展驥三年京甸聽遷鶯別來
尚有文章約建業秋風早寄聲

題沈子魚天潭山房

虞山北嶼鬱嵯峨有客探玄卧薜蘿新雨策筇看竹長暖
風開箔放鶯過紫芝洞古泉常碧鐵杖春深石半磨感此
欲携丹灶火一屨長傍白雲窩

又

巧構栖雲岫復岫長松怪石引纖蘿春來選勝矜新得老
去逃喧擬數過漫省頭顱恇裡白閑觀世事夢中磨一簾
香篆歸藏易認取山椒獨樂窩

三圃題贈陸生

濱海丘樊一舍迂白雲蒼墅有潛夫齋扉細纂占年譜春
日常懸種樹圖蘭畹惠風牽翠帶藥畦靈雨茁晴苧客來
漫領煙霞賞碁局絲桐共酒鑪

廬隱題贈吳山人

不慕桃源學問津偶然築室楚江濱野花獻笑如憐我山
鳥矜聲不避人晴榻有雲封白晝竹塘無地起紅塵知
此計成長往何日擔書與結隣

尚下水車和楊夢羽憲副韻

憑將機事贊神謀力挽恩波握九州赤土頓令蘇魍虐南

風長共解民愁見田龍舞雲旋繞出地雷鳴水逆流我欲
論功釐八蜡並從歲晚賽玄洲

秋懷和韻

涼風蕭瑟淡雲流對奕樽傾酒力柔金馬石渠閑入夢炎
洲朔漠迥添愁農歸翡翠湖邊雨客倚芙蓉江上樓迅晷
不留雙鬢改漫從閔尹問青牛

早秋夜坐

小院涼颼夜若何東山逋客醉顏醺斷虹收雨撩乾鵲明
月涵星浸碧莎閑聽家人談織女笑看童子逐飛蛾便心
罷扇無他事呼酒微吟浩浩歌

題北門鎖鑰贈澤山馮大尹城福山

籌邊弘畧與神謀，忽漫堅城擁上游。
虎旅千群雄控險，鯨波萬里澹安流。
彌天省讀平蠻檄，裨海長浮入貢舟。
茂宰土庸應不朽，薦書聞已達宸旒。

宸旒

吳門鎖鑰為邑令王蒼野賦

清時韜畧屬文儒，百里干城望不孤。
躍馬氣應吞黠虜，登陣功許殿全吳。
承宣政蹟誰方駕，經濟勲階此發途。
愧我請纓違夙志，尚餘衰鬢托江湖。

送陳司訓綸

衣冠清世起師儒，鶴立鷗群意自舒。
華問飾躬傾錦綺，玄談障俗比瓊瑀。
門生夜雪曾師古，祖席春江獨悵余。
莫訝臨岐重短述，中朝司馬累傳書。

壽心穀張山人七袞

灑氣涵空月滿樓，古稀人歛碧山秋。
清商忽奏南飛曲，華屋憑添北海籌。
鷗渚暖沙留杖屨，椿階靈雨茁琳球。
乾坤納納優君老，笑傲風塵且白頭。

送鈕石溪尹福清

憲節臨吾信檄催，銅章遙指玉融開。
久知閩海多淳俗，况是君侯本軼材。
治行便應空百粵，賢聲蚤已動三台。
別懷

懸憶漁溪館風挾奔濤萬壑雷

壽鳳塘徐先生六袞

卿雲扶日曉風清菊有芳華鶴有聲
甲第歌鐘開壽域封
右福履重鄉評雲霄介第方馳祝
蓬島仙人漫勒銘我讀
人鵬希有賦欲將內典贈長生

銜恩俚詠贈周巡按

繡衣持斧凜清風經濟聲華震域中
霖雨兆民通血疏藩
垣南國累膺功肩輿問俗心恒苦
疋馬臨戎氣獨雄願昇
保釐頌

紉寵德星長白耿吳東

畢潭

川東下浦雲稠青草湖邊綠樹洲
種菊階除藩沃土濯
纓亭榭俯清流天開鳥道迎秋迴
風挾舟檣帶月浮知是
鹿門堪避俗便應呼棹問三丘

詩壽藩伯李學樵先生

聽得山中歌紫芝候車晴傍碧雲馳
堂開三樂春如錦人
到耆年鬢未絲與客談玄摩漢鼎
呼兒浮白盥商彝風流
文雅吾賢汝共祝期頤別詠詩

春日飲沈鴻臚山居用陳司成韻

十里青山百尺樓煙花三月闕晴州
地堆名墅迴高憶天

澗平湖影釣舟啼鳥遠偵殘吹下濕雲低抱曲池流碧桃
芳草年年事吟對仙岩紀勝遊

壽名醫顧君六十

讀遍桐經擬注書丹霞玄鶴共精廬開筵肇紀鄉人杖款
舍交馳長者車信有神功登道錄還占風御引仙裾杏林
摘井逍遙地待月摧花合倡余

雲隱

曾探高士傳中玄為遯幽深早結廬蝴蝶夢醒玕洞曉薜
蘿芳飈鹿門煙天空鳥道沉孤翻地逼龍池響急泉應是
豐隆契岑寂慣分踈影護陳編

出張家灣

侍中特達能承寵相國虛心合避賢世道即登周禮樂官
儀遙陋漢文宣天南故有楊雄宅湖曲嗟無范蠡船忽下
通河臨濟北漫經淮甸入吳川

其二

天王仁孝傾千古律紀誰當問故常虎柝晝嚴三殿閉雞
籌夜唱六龍忙奔程忽負陶監察訊罪空勤范職方彈鈔
歸來秋月白鸞坡鶴渚兩茫茫

送潯州府經歷錢明輔

潯江烟水障南蛮宦路迢迢闌石山清世可能誇吏隱遐

方應共濟時艱景行作客馳新譽成璿逢人長笑顏白馬
舊祠荒落未玉堂流澤在人間

清世勲名拙武弁遐荒廟筭寄儒冠孔戡白面能憂國王
適青衫已拜官雲盡九溪春水漫路窮百粵劍鋒攢狼心
毒矢還堪記長鈇逢人莫浪彈

賀查母六袞

方瞳鶴髮照重闈六十年華日月飛梓里鶯花臨結帨春
風魚筍動班衣已聞鸞誥天休渥况是仙郎畫錦歸千載
高門逢淑德老來多福正如幾

舟次濟河呈董憲副相

萬里移家作遠臣出門何處是通津憐君一面能投足
我孤征豈爲身望斷斗山如白日義高今古只伊人
炎風客路逢歸使北向緘詞一愴神

次清溪步周子厚韻留別并致同年陳仲詢

路入清溪溪水清空山歲晚一舟橫乾坤俯仰惟吾道嶺
海驅馳任此生戀國敢希前席寵別君徒有短歌行相期
何日還簪盍夜雨墻頭酒謾傾

松泉

在山泉水瑩堪酌晚歲松枝芳可憐謾逐風塵嗟舊事欲
呼猿鶴繫新緣蒼崖日影三千尺半夜風聲五十弦壯志

未應隨物化一屢長傍破山前

憶金陵

漂泊乾坤嘆此生秣陵雲物繫吾情
山屏四面埋龍窟王氣千尋出鳳城
翠輦朝迴秦鹿失黃金夜葬楚猿驚新亭
莫弑英雄泪陵谷于今幾變更

沙溪道中口號

舟行千里復登途心事猶堪對僕夫
南去江山通八省北來烟雨隔三吳
丹崖日暝風逾勁古洞雲深鳥自呼
三十九年成底事吾生踪跡半輿圖

草萍驛和見素韻

時以議大禮謫廣東

許國聲華未敢當長風萬里送秋航
川原上下雲烟別南北奔馳日月忙
碧水照人心共止炎荒寄我鬢寧蒼
相知欲問窮途事日有新詩詠草堂

宿葛陽驛

山程落日進肩輿候吏相逢報謫居
古驛面山人寂靜造舟橫水月清
虛南樓旅思吹桓笛半夜寒燈讀古書
少府風流渾不減隔溪乘月下雙車

舟泊贛州

轉壑迴峯沂急湍晚風吹鬢客裘寒
宦程迢遞六千里險道縈紆十八灘
斗絕孤城懸碧落烟霏青瘴拂層崖
月明

谿徑聞人語未許長歌行路難

南康呈林以乘憲副時聞西報有感

薊門遷客天涯路古寺逢君日暮時青眼照人頻送酒丹
心入髮欲成絲賈生落莫難志杜甫蒼茫獨詠詩聞說西
軍能悔禍惟呼萬歲答

天墀

初抵合浦次高教諭應經韻

清齋兀坐笑吾廬瓦竹扉篁結構初燕闕九重雲去杳吳
門萬里鴈來疎賈生未許期前席陸相惟應集古書爲尔
風流高季子金聲擲地慰幽居

落日風煙襲敝廬天南羈旅息肩初物華漸覺春來好世
事緣知晚更踈病體客邊惟有酒故人天上已無書江淹
詞翰聞名久定有新詩慰謫居

謁寓賢祠

黑子孤城草竹叢哲人云邈思何窮時臨極否聞鳴鳳地
盡南荒憶卧龍從古危言能賈禍何人直節敢謀躬所嗟
故國皆禾黍祠宇依然落照中

亦知骨鯁難和俗不向權門覓要津薄海一塵知帝力高
風千古激儒紳尊堯集上心逾赤元祐碑成道益貧猶愈
新州蔡光祿荒途秋草唾遊人

遠珠亭

太守風流一草亭
煖雲寒雨繫人情
守官如水寧非分
傳譽窮天劇有名
鼉窟回春人寂寞
海濱懸磬虎縱橫
劉昆滅火終非偶
讀罷殘碑泪欲傾

送王才伯翰林

六史文章重南服
節旄飛動楚江濱
燕郊汗漫勤青眼
海國支離挹故人
春水別筵催泛梗
玉堂詩草問歸鱗
傷懷不共清溪月
萬里隨君展浩旻

羊城四月花如霰
潦倒江頭一送君
幽薊雲烟秋獨往
秦風雨靜堪聞
鷺坡視草天逾近
鈴索傳聲日未曛
記取

紗籠儲德業
莫緣和叔詫星文

宴集王用儀池館志懷用杜韻

方沼臨軒草逕迴
百年懷抱此中開
亂萍欺雨魚仍躍
叢竹凝烟鳥自来
碁局謾勞歸別墅
角巾應解漉新醅
眼前光景饒孤興
欲叩青娥再舉杯

舟發羊城

人言嶺表難為客
我復携家去住難
溽暑扁舟非利涉
畏途千里是重攀
靈均問卜寧從俗
杜甫憂時未解顏
青史獨憐鄒待制
南遷何必涕潏潏

題八賢祠

在肇慶府

昔賢忠節如相埒易代穹祠享祀同漫有遺踪傳逸史獨
携芳藻奠高風事關宙社身何惜名在乾坤道已窮嶺海
風塵今不惡獨余清嘯答群公

和韻答高教諭應經

客子經年閣大荒誰將華髮怨文章眼中龍鳳慙徐庶宇
內江山嘯子長傾蓋故人留短榻醉心當日倚繩床剡溪
雪夜能乘興數過無勞問茗鐺

詠鶴贈方思道僕名鶴者

崇陵烟樹神僊窟廿載依人有此君瀟洒未應儕燕雀翱
翔時復藉風雲楚江仙夢凌秋漸蜀道官裝但尔群莫向

朱門羨銀鹿九臯清喚最堪聞

范氏山莊 限韻

虞西別館慣儲春雅集誰方賀季真鳥下綠蕪如狎主魚
依敗藻故窺人莎階影竹侵閒幔石竇寒花澹細塵十載
湖山撩客夢蒼鞋從此卜絲綸

畫竹

世人見竹不解愛之君覓竹畫圖中寒烟翠幙參差是春
雨翔龍彷彿同豈為繁華窮碧落直將高節倚崆峒年來
我亦多幽興欲泝瀟湘詠國風

題冊符世家卷

為南安府學生員譚大綱作迺祖翼者洪武十七年進士作縣時有冊符一道中有

聖諭獎勵之詞其製則若今之文憑云

文史遭逢建國初龍章燁燁煥堯衢緣知吉士宜承寵自是

高皇雅重儒勝事尚傳天馬國家聲長振玉麟符青衿才子雲霄客繼志無忘答

聖謨

曉坐書懷兼憶方棠陵

旭日臨窓照室虛羈懷落落髮蕭疎山妻久病能諳藥稚子耽游直廢書今雨堂前遺舊客浣花溪上憶殘居風流

醞藉棠陵叟四海為家我不如

賀友人得子

適看蓬矢躍長途忽訝文淵再吐珠天近渥洼多驥子

傳丹穴尚鴈雛瓶山側室當流涎王邁情何劇宋劉氏

同孕邁贈詩有我獨流得意巾即喜有餘指日定從珠

後繡紋麟角翫新符

潯江夜泊

銅鼓灘高送急流驛門雲霧未全收嵯姑出史記問渡裙

依膝峒老歸墟布裹頭清漏傳宵知罷戰雷霆飛瓦記

遊無端倚棹成紆矚萬古青山與目謀

發東津

絕徼河山數客程南華東膊最分明江灘水長魚苗集

謂魚初生為魚苗

霄漢風高鳥翼輕防虎戍樓深擊柝覓鷄村婦

慣持兵斜陽呼酒聽魚唱碧樹丹霞隱故城

泊懷澤驛

昔年曾識鳳凰灘此日重過劍戟攢草宿危隄風鬣鬣
籠古戍路漫漫鬼門設險頻迴棹鐵漢何人未掛冠惆悵
廡山仍極日清宵笳鼓又江干

泝火煙驛

楚調商歌發舊醅荒途雲物使人哀風檣盡日依山轉江

閣輕雷送雨來怪石倚灘如我瘦繁花照艦為誰開謀身
儒術真無賴夜月蘭堂首重回

賓陽道中十詠

南國佳人昔未逢天涯行色正忽忽旌旄細挹烏犍兩書
劍橫衝白鳥風短憩路紆芳墅曲放歌人醉斷橋東叢蘭
亦自多幽思寂寞邊溪學轉蓬

萬壑群山入古城炎風疋馬思盈盈忘人黃犢衝車立行
路征夫涉險行客子渡江營竹筏鄉民結社倚茅棚十年
通籍仍天末慙愧封彞未勒名

危途入轉從橫杜宇無情故故鳴山障四週雲杳靄礪

泉百道玉宗瑋嶠人獻果偵顏色津吏供茶識姓名極川
吳趨心欲折况堪邊徼荅歌聲

脩程無賴重徘徊拂曙松風擾鏡臺草徑牛羊馴易出晴
溝砂礫細於灰三州有路都通粵六月無雲忽震雷駐
軍門遠峒老咲歌逼迨送清哀

草滿長干風滿溪嵐煙飛盡鷓鴣啼鄉心不斷如流水客
路無媒信馬蹄茅屋夜棲驚鬪鼠行裝曉促候鳴雞傷
千里朱殷日落月城頭又鼓鼙

頻年學道恨無聞筋力羈途困典墳棲鶴巧依山下樹碧
羅長消雲絺衣迸馬披風磴卮酒臨軒送夕曛長鉞

一聲銀宇淨方庭白月下紛紛

落宕精神困頓中緣邊消息值興戎時雍值戍堪供牧道
在儒冠亦掛弓狐豕未應迷兔窟鯨鯢今復恋蛟宮杜陵
白髮三千丈欲賦平蠻恨未工

旅館煙花咲逐臣短輿方冊共綸巾篝燈到地鼠為崇塵
榻當空蛇與隣孤徑草肥蟲趯趯荒村月落犬狺狺林深
道梗難為客晴雨誰當問聖人

朝馳雲磴夕躋岩積雨荒亭對石函坐久好風臨几硯詩
成明月在松杉山棲重惜奴人困露宿憑將惡草芟去國
六年惟有夢餘生應許托長鏡

天侵南服日荒荒望盡燕臺萬里強四海衣冠瞻日月半
年踪跡自車航思籠兩徑青囊在施逆風橋疋馬當
聖世只今恩浩蕩未應樗櫟老遐方
送高邑諭繼道登海角亭
三年謫宦逢歸客萬古離情上此亭夷夏銅標煙漠漠江
天野馬樹冥冥淮河水落仍牛渡趨舶風高但釣汀四壁
殘碑荒蘚合可堪霞鷺換新銘

八賢祠和韻

天涯春草漫孤村碧瓦穹祠渺獨存棟宇百年祛幻像雲
山終古繫遊魂戍樓落日催鳴角礪道餘泉但抹坤世代

興亡人共杳一天星斗自黃昏

曉發真定抵趙州宿

一經鎮定趨滌趙朔易星躔已暮春漢寢碧傳沙渡草唐
藩幽鎖梵宮塵橋邊黃石應知我天上浮雲不避人何事
玉壺迷九峽慣從青鳥啄紅巾

寒山萬壘道縈紆楓葉飄紅歲月徂荒館坐來風欲寂
雲飛盡瘴全無窮簷守望真憐汝薄海澄清久負吾今
幽懷對時彥四鄰環衛即雄圖 此登仙遊縣白鴿嶺

洪山寺午懋和沈憲副平墅韻

覽勝驅車閱近臯野花和雨點征袍丘山只共禪心寂鷺

驚憑將春事挽流水一川芳草長片雲千里碧天高幽
不負經綸志對景寧知案牘勞

萬安橋館

水窟山城入望遙閒邊孤館憇星軺衝風解艇能忘海點
石鷗鷁學候潮人世豐功皆麗碣灣民殘葉有荒礁濟川
思憶前朝事卷幔行歌萬里橋

題補菴潘封君重恩雙壽圖

處士英標抗俗塵大家徽範亦宜人閑從令子占三樂喜
值高年揔七旬遶膝衣冠照晝錦登堂琴瑟自天真君看
紫誥褒封日子爭覩賢

御墨新

滿月

滿月澄輝爛九霄彩雲狼籍露痕飄蒼山影動潛鼉窟銀
漢光回北斗杓便欲凌空矧沆瀣可憐飛興失蕭條玉人
應解頌靈藥碧海玄洲早建標

行役苦暑呈張東沙

學道多年只故蒙可憐羈跡復從公困人赤日山申路得
意扁舟江上風清夢何年窺進止前程隨處有窮通無端
數息溪邊樹流汗沾塵看白虹

詩賀高大行東玉使琉球事竣北還

侍臣旌節光南極

聖主恩威殿百蠻萬頃波濤浮海外百年身世重生還

楓宸茂績宜殊寵壽母歸途只笑顏古米山前舊時事知

君搔首語

朝班

黃田驛遇雨漫志

冰崖飛湍析津決急棹浮空櫓聲咽萬里橋侵楚嶺雲三
更月繞閩王穴山箐春深足幽草小隊青袍策晴島竒探
一夜蟄龍吟禹甸崇朝謝枯槁

春日學署觀緋桃酬江午坡督學韻

玉曹輝映綺城中無數桃花雨後紅色借仙袍迷鶴從光
聯絳帳晃珠宮定緣培植通華省先露文章與化工獨把
一盃花下醉不將開落問東風

閩中思親

秉節南巡拜

命新應憐便道慰慈親洪都驄馬敷靈雨梓里班衣照暮
春毛義幽情先捧檄張綱浩氣欲埋輪小人有母今垂白
祿養違心幾愴神

唐憲副夫婦雙壽詩

關西貳憲方山客七袞風流五福兼光景百年需白髮勲

名四海協華占鳳臺鶴骨逢偕老玉樹春心稱引恬雙壽
圖成思無恨海天瑤屋共籌添

送東明大尹沈廷材

豪傑當年沈義倫芳聲籍籍在乾坤後人拜令逢昭代清
節傳心稱德門輦道秋風渾漫興宦途別誼未忘言瑕丘
自古多才俊聽罷絃歌次第論

世壽堂爲周憲僉賦

德門佳瑞靄朝暉國老高年十二旬甲子歷殘秦日月兒
孫老共漢乾坤一門壽考傳鄉望千古遭逢渥
聖恩奕世勲名猶不忝憲臺春雨頌聲喧

七言絕句

送陳節推考績

朔鴈翔南水北流雲帆臘月發長洲山高水遠碧空淨明
日懷君五鳳樓

送邊判府部糧北上

春抄津亭戒別時江風吹浪雨如絲輕舟天畔行藏好細
讀人間德政碑

醫僧自命無礙

說偈傳宗萬境融十方時奏活人功飄風過壑雲歸岫不
是慈悲念未空

季明德郡守索悟真篇昇之併書其端

窮愁相併俗相牽白髮參差彼兩肩我命在天還在我為君三復悟真篇

詩謝張公儀郡守併賀病痊和來韻

織花嬌竹攬晴空此日懷人卧病中一笑西堂風月好憑教清籟激華鐘

和韻復張公儀郡守

洛陽前事仰遺芳泉石過從賸有光薪檐墮雲扶不起思君天外日荒荒

城上紀事用進士查子孝韻時因倭警監築虞山門

海上風波湧不平南來舂舂似山橫相逢莫問薔薇露馬跡峰前十萬兵

天侵荒服海雲橫塞府星羅寂不驚一自潢池飛戰鐵羽書日夜走鄉兵

由來靖難有微權關外何人健着鞭下瀨將軍稱解事徵書密降五雲邊

賊來風雨勢堪驚菜色群黎往可生為問中朝姚相國幾時投筆賚昇平

落日城頭起暮煙誰家歌管傍樓船山翁不省昇平曲吟對西風獨泫然

競把鷹鷂入網羅致身誰奮魯陽戈三吳百粵胥奔命萬
里長江有赤波
師行僻路遠田低離合令人悵魯鷄燐火一叢陰鬼哭腥
風拖雨過城西
援弓却賊際微晴燃竹鉤金補斷城功是虞君饒戰略不
關豪右有家丁
利刃行屠焰火燒萬家村落頃蕭條于今四野無青草濺
淚芙蓉莫放嬌
相公開府統神兵忍向東南赤土行野老願陳謀國計早
蠲秋稅勸春耕

海窟帆檣日夜浮狂蛟毒颶搃堪愁古來夷島無成事悔
罪先梟狃虜頭

思竹

棲鳳臺高空白雲淡蕪荒棘石為群撩情楚調風前笛莫
遣瀟湘帝子聞

泉臺寒月下踈櫳寂寞朱書夢亦空雙鬢漸斑飛鵲影若
為重谷聽秋風

望夫石

江濤暮落朝雲飛日日望夫夫不歸歸來何處尋芳跡萬
仞山頭望夫石

可山贈陳醫士

松嶼鳴淙石有斑
客心遙寄翠微間
綸巾破曉青囊晚
應共閒雲辦往還

詠竹和真雲峰韻

誰將榛徑長明玕
太乙仙人擬縱觀
藜杖吹天祿火桂
風先與拂清寒

障日堂前碧玉玕
劬書長夏稱幽觀
一枝擲罷堪遺俗
恍惚梯雲在廣寒

脩然班電忽呈玕
我欲

虛對雪觀翠影拂雲催鳳舉黃

苞點地傲冰寒

枝比蒼瑤柯作玕
偏宜道眼靜中觀
山花林木俱無賴
只共孤梅閱歲寒

挽王尹

孤城捍患有株功
曾見鳴弓霧雨中
一自血膏原上草
至今樓堞領悲風

題秋景

山樊秋色爲誰賒
翠竹芳蘭處士家
坐對晚風人不解
片雲天畔領歸鴉

詠懷椿

長日西飛蒼樹林
靈枝無那碧雲沉
若爲涼月澄清寓
卧

見龍叢滿地陰

贈地師詹愛山

玉髓群書十萬言
早投紫府得真詮
于今江海難垂釣
我欲憑君卜片廛
秋水精神野鶴姿
天南隨處頌真師
相逢樗館談玄秘
指點心田是福基

送侍御馬子莘朱必東言事被譴削籍還鄉

長門楊柳花如霰
煖日晴風欲盪人
客子不禁歸思熱
放次携手逐芳塵

嘗憶杜陵詩似畫
青春作伴好還鄉
因君忽覩畫中事
短

棹輕羅歸興長

萬里携家道路難
老親相送未辭煩
嚴陵灘畔看歸鳥
定有歡聲答喜孫

必東幼名

藿食休官祈養志
入門何事不宜君
春風得意蘭芽茁
應有音書報我聞

壺公山青花欲燃
木蘭水碧月上弦
擊楫看山弄明月
乾坤真藥在誰邊

身歸岩壑逢

明后世人唐虞作
匹夫檢點方書刊
俗慮辛勤農畝辦
官

租

租

長高

卷之二

三七

舟發韶州寫懷用周憲副子厚韻

燈火扁舟憶故鄉
曲江南下水雲長
風帆日短嗟吾道
惟有漁溪一瓣香

昔年風雨萬安橋

在福建泉州府

百里山河畫寂寥
忽向九夷瞻

日月細聽蠻語立清霄

清溪折戟未全磨
金鎖馱犀瘴霧多
野哭隣鷄猶昨日
衝

星一劍欲如何

誰將時事寄秋萸
短鬢西風日漸星
南望畫山千百里
迴

龍石閣未堪凭

并州別客泣桑乾
况復違君逼歲寒
洗馬渡頭成小憩
碧

天雲樹共珊瑚

楚水依山日夜流
三閔鷹隼擅高秋
道人生計煙波裡
一

片幽心對海鷗

木港營

次韻

寂寞荒山萬里程
斜陽芳草對孤營
東風不負遊人意
忽

送啼鶯三兩聲

問同年王用儀遷居

草堂風煖榴花落
忽抱遺經有所思
澤國煙塵淹杜子
遷居赤甲定何時

舟中次韻

客思撩人撥不平閒從野老問陰晴山風拂面雲拖墨春水江邊一夜生

東風蘭畹拂雲高竒服當年聽爾曹萬里野田春雨灌飽嘗藜藿坐南臯

江湖勝覽卷

江湖風月謝華顛旅舶商歌記昔年回首山城春日靜楚天空濶下翔鳶

脩程頓客壯心違梅國逢君燕子飛北望吳趨雲漠漠更堪江葛換春衣

佳城八景詩

藍大夫右軒公佳城八景為坐穩屏山為面當紫帽為兩峯挿耳為水纏腰為三軍右踞為九龍左蹲為懸崖瀑布為短壑排松厥嗣渠志張間為某道所以因而索詩夫堪輿之家其說有不可廢者大儒朱子所謂以子孫而藏其祖考遺體必致其謹重誠敬之心以為安固久遠之計使其形體全而神靈獲安則其子孫盛而祭祀不絕志張用心于是為可嘉也為賦詩八章

石壁排風列障圖翠微千里駐鵞飛春雲狼藉花無主前有仙人化鶴歸

畚覆弓眠紫炁重丹崖賓日曉瞳瞳玄猿罷嘯松楸古一榻思亭覘筆峯

高峯麗立碧雲隈斷薄玄宮展玉笄鼓角梅花正堪憶和風鬱鬱草離離

蒼溪活水淨雲根，迴合堂封奪燒痕。春雨鷓鴣花似錦，
人何處問桃源。西風吹雨度芳阡，翁仲碑陰草色玄。
萬馬行空聲闐寂，山靈應不恨啼鶻。曉日離宮瀨氣收，
伏龍鱗甲蔽晴丘。長空颯颯迴輕靄，彷彿還疑結蜃樓。
地骨衝雲若半開，陰風日日送春雷。礮湍直下三千丈，
萬里乘槎人未回。埜微乘風一徑通，花屏十畝蔭長松。
霜皮黛色迷昏曉，月正天空馬鬣封。

九日宿成安府館和壁間韻

樹幄雲屏擁道周，馬頭煙景尚淹留。青山萬點皆吾土，
莫向黃花問蝶愁。

又王臺驛和壁間韻

盤空石磴扼群山，萬里全閩指顧間。山下日光山上雨，
道心長羨白雲閑。一片孤城萬仞山，月明雞犬在雲間。
自從漢使徵仙籍，白石清泉那得閑。

題龍眼

碧樹籠雲翠幄低，曉風溽露實離離。爲停元化遠朱艷，

質深甘與荔枝
握露披風舍利多
淡甘芳液入脾和
金精玉質真龍眼
許騷壇斥荔奴

謝包大尹惠荔枝

翠幄香遮碧玉團
絳綃和露濕金盤
鴛丘仙子愁無侶
破曉平分化鶴丹

七言古風 排律

寄題一片瓦石山次李中溪代巡韻

山在福建泉州府

神僊紫府滄洲濱
青鳥傳書飛向人
鶴馭回翔天上履
碧桃開滿洞中春
丹梯盤雲日輪轉
礧草分香水清淺
片石

新留太史題
栖鴛舊識仙人輦
銀函石扇參差開
應爲容成去
復來已向寰區瞻
玉節猶聞僊吹落
瑤臺流暉無情
逼遲暮
彷彿冥棲見真素
易外玄銓仍未參
排闥欲挽雲
驂駐

虞山高頌壽東臯陸封君

虞山盤礴東吳東
雲標劔石摩晴空
二儀清濁自高下
行曦杳杳開鴻濛
岫豁巖懸太古意
積蘆鰲背扶剛風
九室三臺遙可指
洞冥疑接瑤華宮
胎禽矯羽集珍木
紫芝萐莆砂丘紅
混沌留年理則有
地靈還屬東臯翁
翁年八十神氣旺
錦袍烏帽顏如童
有時縱步示矍鑠
邑里盡持

丘公平生樹德如樹穡賢者慕義愚無恫我聞善人天州
紀遐福徃徃酬陰功只今弧矢屆初度露華和月溥踈同
青衣行爵綵衣舞歌鍾甲第春融融君不見虞山岩堯殿
南服亘歷浩劫無終窮仰止定知仁者壽翁其眉壽與山
同

送學諭呂秦麓赴國子助教

函谿才子瀛洲客玉署疏囊展臯席清秋行色與天長一
尺風帆五湖白前年上策遠石渠澤國棲鸞勤著書奔塵
揭揭辨騏驥珠璞徃徃成璠璣諸生入室致身早吾亦鳴
向晴昊用世行儲梁棟材開闢摠識義黃道方今

天子收賢良寰區禮樂規虞唐擬向三台條學法還將四
術樹官常人言適國不談左君在青雲乃知我別懷歌竟
短歌行涼月驅星馬前墮

分題得七檜寒青歌贈白熙齋擢教泗水

君不見虞仲山頭七星檜竒枝怪葉紛縈帶杪入青霄百
丈強根蟠厚土千年外窮陰黯慘萬里疑四郊飛雪冰峻
嶠山山下山摠枯槁此物蒼鬱還垂青有時英雲墮空谷
素月澄輝浸葦屋彩鳳騫從簫史歸妖狐暗避張華哭落
落仙都謝兵燹鐵屈虬翔何偃蹇畫師盤礴赤汗流匠石
荒山足空繭六朝舊事如飄塵古木蒼茫獨占春信知節

紫鍾天地應是扶持有鬼神人生立志期不朽七檜壇前
飲君酒酒酣擊劍歌贈君霹靂聲殘蟄龍吼

霧隱歌贈張山人

玄髯山人氣凌俗架屋凭虛住深谷啗藿朝吟海上峯攤
書夜聽雲間鶴削迹風塵三十年曜臺啟室兩茫然驅車
出效窮途哭閉戶常觀秋水篇青天無情日西墮滯雨溟
濛塵岬岬夢澤遊蛇不避人銀山白鹿能騎我酒酣拔劍
歌正衣長空嫋嫋悲風迴石渠麟閣蒿萊盡莫向滄溟跋
浪開

壽梅石朱君六袞

隱君戢景虞山里世德承家集繁祉好事期稱素邑封傳
經况有青雲子葛中華髮鏡中秋六袞懸弧明日是石函
金液庶可尋三壽作朋從此始洞府仙人吹玉簫紫芝聲
斷碧天高春風忽度長生曲贈爾東方曼倩桃

詩贈龍川大尹螺湖先生行

蟄龍吟風溪水渾虞仲祠前春欲分戀別呼尊眼雙碧西
飛不盡楚山雲時賢紛紛立門戶之君貌與心同古向來
文教據蘇湖此去功名談卓魯梅花參差瘦嶺東琴書遙
度粵王宮陶詩細和拈丹荔忽憶當年蘇長公

送南京監察御史屠文厚

我家天南寄天北幾度章臺嘆歸客震澤虛懷夜月明蘭
堂短夢秋雲白華屋朱簾一燕飛煖風晴日起遊絲何人
巧逐登瀛侶勞我長歌愴別詩潞河駟騎迷幽草江國歸
期春正好青年白面繡衣郎鐵冠驄馬金陵道麗自天開
秦駕當初去復來聞道近時風景異等閑莫上鳳凰臺南
臯先生別來久紫洲遠後相思否萬山道履更何如立馬
煩君一開口

伏波將軍祠

在橫州烏蠻灘

犬王拔劍開東京天南忽突妖狐鳴將軍發憤憐蒼生白
頭躍馬辭承明手提孤軍向南行掃蕩二妖如撲蝨功高
寵集人所傾意以之謗何無情男兒結髮事遠征馬革裹
屍圖烈名鷄虫得失胡足驚正氣赫奕垂太清嗚呼將軍
真豪英彼齷齪顧戀之徒過此能不縮首而吞聲

送李縣尹北行

清秋八月炎洲道墨綬何人戒途早四埜雲低陶令花隔
江風動王孫草平原逸騎如游龍景靡塊歷何倥偬老父
携錢為劉寵群黎截鐙援姚崇天門迢遙隣北極雙鳥蹠
躔渾咫尺誰復簾垂表百城懸知課最膺千石憶昨逍遙
供奉班衣冠近惹御爐烟一封奏疏心惟赤萬死投荒髮
未班相逢海角時何晚倉卒投簪金欲斷忽將飛轡逐鳴

珂長恨離觴催急管颶風育雨粵南天水國還珠事杳然
蕭相舊規還足守陽城拙政自堪憐方今
天子崇賢俊荒服蒼生勞顧問龍江松菊謾郊需燕谷風
雲看海運李侯李侯風骨竒廣眉大顙熊羆姿班超壯志
安足數吉甫膚功 聊爾期吾生懶性日成癖客中送客
時沾臆窮途不似黃庭堅獨賦新詞贈區革

喜雨謠

百日不雨山澤枯一日雨集地脉濡天南老翁拍手笑
倚簞戶歌烏烏翁言生年八十五孫男當戶催官租邇來
亢旱日不給已分溝壑填微軀幸黃堂好明府德心直與

造化孚求雨得雨若影響赤地倉卒成泥塗此事卓絕難
揣摩長活餓殍德施溥不然赤地無青蔬自吾畜眼創見
此瑞芝甘露俱模糊四郊草盛牛易茁蚤晚便可揮藜鋤
於邪滿車况伊邇語爾婦子勤供需我聞在昔孟太守檢
身律下無私圖皇天為鑒珠為返義問赫奕流寰區至誠
感格自常理返風滅火寧吾誣羈人習靜不解事凌曉學
圃驅僮奴驟問民謠詫竒迹稽古或與前賢符有筆如椽
未遑掃一停玉塵賡吳歛誰哉觀風達民隱為我持此歸
天衢

東山舊隱歌贈高邑諭繼道

東山先生歸東山丹丘鸞鶴廻脩翰晴巒接天草堂靜光
風轉蕙溪雲團壯遊多年亦汗漫幽棲此日何踟躕重携
舊侶賦招隱未必青瑣老鄭虔君不見隆中野老歌梁甫
世上兒子橫馳驚時來會屈
帝王車靈雨蒼生未應暮

吳司空東湖書院

楚天雲接潯瀉潑飛崖對面摩晴空一泓倒洗青芙蓉仙
壇石宇花蒙茸松風夜赴蛟鼉宮意象恍惚嘉魚司空中
主人睠此情無窮精舍為闢雲阿東三辰五岳羅心胸擬
探顛噩開群蒙嗚呼大雅逝倏異言空白豔頰風誰從

左袒張儒功海內望屬東湖翁

却鄆懷古

平郊北望思紆細萬古銷沉帳軼材三晉雲山如列障五
胡有殘灰闕城畫角馮秋肅駟路寒旌對雨開歇馬探玄
慚逸史凌晨獨上古叢臺 宮闕

五言律詩

送縣尹孟小溪考績北上 四首

花縣功成日堯墀課暇時春江浮畫鷁祖席薦文卮鶴認
來時路人懷去後思柳枝如惜別鵲影共參差

其二

為爾神明宰牽予江海心光天恬鶴夢霽月照棠陰案畧
魚塩課門辭暮夜金如何遽言邁飛旆五雲深

其三

俊妙金閨彥清脩世宦家守官馳德譽勤國擅才華鳧鳥
騫雲渺仙槎入漢遐無為嗟此別青瑣待傳麻

其四

津亭飛羽蓋遲旭下江濱人擁朱門轍檣分碧淑雲有懷
歌杜毋無力借神君為祝鴛行裏長憐鴈鶩群

春泉別墅

別葉清溪上煙墟接市廛鳥啼村雨暗日霽野花妍藥館

春增闢冊經晚造玄相期秋月白共論養生篇

贈錢汝明

吳山北盡楚雲侵積水潜虬歲月深何處王孫來卜築至
今枌梓帶春陰

右志號

晴樹團空水決渠白雲長閉五車書歸來靜掃柴桑榻吟
對江濤玩碧虛

右文苑

曾於青史羨鳴琴報國憂民竟此心春雨耕前秋社後頌
聲猶在野棠陰

右治徵

長懷紫府覓真詮百里堯封早息肩龍角光騰義轡穩鳳
簫雲醕自年年

右頌壽

郊遊次楊夢羽韻

清賞閱重林幽澄萬木陰開尊遶地勝飛蓋入雲深鳥語
風前笛泉聲月下琴還逢學仙侶離坐說觀心

挽豐城范翁二首

吾慕范叔子鴻飛薄紫冥家聲馳燬券世事托傳經
誥渥貶封寵碑鐫焯德銘皇皇百年後威鳳在堯庭

其二

仙慢忽云逝飄舟閉壑泉時聞黃鶴怨忍覩白雲篇耆社
風流在鄉評孝義傳辨香遙未致詠罷意悽然

壽季山人六十

邑里家聲舊林泉士論嘉壽筵開令節卮酒泛黃花功就
爐砂熟神全鶴筭選更期遊廣莫銅狄記年華

庠友携卷再贈白文學熙齋

海國方鳴鐸名邦復振珂文才真不忝別意悵如何奇爾
三鱸兆賡余七檜歌天門應在望泰岳鬱嵯峨

漢官儀曰太山東止七十里至天門所以稱嵯峨也

春泉為王醫士賦

活水潑仙邑青陽肇歲功雲分千嶂綠花發萬溪紅涸土
露應潤灵源遊未窮避囂人卜築涓滴起疲癯

小山

華嶽瞻雲迥丘陵寄興長片崖天外落孤嶼月中蒼冠蓋
留春暝琴樽襲澗芳因嗟在城市塵鞅送年光

綠漪為王丞佩錫賦

踈篁蔭長薄泐渚澄青波過雨潤還積經風紋更多影疑
沉楚壁光欲倩渠荷聞道哦松處時吟有斐歌

送仇前溪司訓擢平和學諭

恩光催去鷁吾亦戀交情海國堪鳴鐸關河且問程天隨
征蓋遠風入片帆輕多士能憐別新詩屬贈行

題漁隱讀書臺

隱君栖隱處卜築傍江雲靜擬隣蛟室喧應避俗群窓涵

星斗耀架插古今文奇字應難識何時一扣君

禁獄乙亥六月

相對成惻惻相憐各圍圍寂寞君子堂微茫舊時雨徒榻
延餘暉晴曦照秋宇

又

白日下虛竇炎風薦煩暑點鼠拉群行飢鳥學人語頽然
解囚襟莎堦濕新雨

送周邑訓鑛遷嘉興學諭

儒秩緣營養文曹復序遷人情皆五鼎吾志且三鱸門擁
談經雪人迴問字船別懷還幾許飛鴈滿江天

思仁卷

至理久寂寞伊人思獨玄室光
和月白草色入春妍孤鏡
刊塵想芳心結道緣絕勝襟
佩子忽忽又窮年

夢楂卷次韻

萬里天南路如何比日行揆
余荃有待離畢雉無情燕闕
星河迥江天島嶼明離懷將
別夢長樂候鍾聲
有天皆化日嶺海亦安行納
約慙吾拙投荒荷

聖情克仁終蕩蕩禹德固明
明卜璞期三獻誰能效楚聲

濛濛驛夜泊次周子厚韻

客路溪山外羈心日月邊灘
聲如轉石嵐氣欲蒸天避俗

成孤往投荒起衆憐鳳城在潮州
餘舊躅吾意敢攀緣

過太平驛次李宗魯韻

鳳曆頒新紀萍踪屬異鄉亂
雲迷楚望疋馬送年光攬轡
終歸漢鳴琴已度匡吳門音
信斷愁遠九回腸

遊三海島在靈山縣

大地行應遍窮荒挹翠微煖
雲棲石磴新雨潤苔衣古洞
雙猿嘯長空一鶴飛幽竒不
可極惆悵欲忘歸

佳境難盡述絕勝寒玉屏千
山奪竒秀三島隔蒼溟日月
排寒暑岩巒促斗星赤松如
可問從爾關雲扃
洞天三十六此山那可無乳
香通碧澗雲淨出寒蕪曉色

侵犀玳嵐光失畫圖地靈應有待早晚學潛天
緱嶺情何限東山望不迷雲烟浮石屋猿鹿共松哇白
風雷吼晴峯鶴鶴低歸途正蕭颯黃鳥向人啼

浣浴軒

爲同年廣州府推官孫德謙題

斗室臨方沼焚香坐常郎荷風醒鶴夢榕日次琴牀鳥散
餘花落庭空白畫長毋勞問書簿吾欲對羲皇
隙地營新構幽期不負心圖書充棟宇木石擬山林得意
孤棲久知音引坐深毋爲嗔傲吏聊以滌煩襟
鄭老官同隱羅含思若狂種花環隙圃編竹擬雲莊移篔
低棲樹圖書積近床退藏應不負追琢換金相

彤雲將密雨誰復辨林巒積翠平添竹幽香不廢蘭苔衣
侵潤礎蛙鼓上花欄隱几存深省生涯剩鶻冠

橫州道中

浮雲終日變空谷去何之羸馬衝泥怯征輿得雨歇墟場
依古樹地界立荒碑遠道仍多梗蒿萊不可披
天高遠山淨遊子意如何牛背半策雨蛙聲千頃禾山扉
綠樹暝溪鳥掠人過野適真無賴風光剩薜蘿
輪蹄愜平麓麻林照高原雨後疑無徑山深忽有村鳥聲
遠騎迴樹影涉雲昏鷄犬茅茨路憑招去國魂
征衫祈日霽飛蓋許雲陪躡步防橋眇夷人稱臨深怯岸

摧望城爭賈勇投舍不須猜震澤遠時久中霄復夢回

肇慶遊七星巖和蕭侍御執天韻二首

勝地殊方得名賢虎節留山高雲愈出風定雨全收溪壑

撩人媚林塘入夢幽應憐人卧病久負月溪遊浦溪在合浦縣北八

里十

澤國春多暇溪山漫一臨遠觀吾喪我悵望古還今白谷

煙雲合陰崖花木深無緣違候吏臣坐發孤吟

過金山臧舟登眺和韻

笑蹟壺天近風帆日下來山浮江面動寺對海門開梵鼓

通潮籟松雲靄鏡臺望洋無限思應有濟川才

東川

陽池浴晴曦流波去如矢春花雨濛濛秋月石齒齒洋望

夫如何瀾觀聊復爾感慨萬古心魚潛鷗未止

邯鄲夜集分韻得桃字

吾嗟盧生幻愧此燕趙豪客思餘芳草恩光付碧桃雨深

湍水集雲盡暮山高倚伏循蟾步悲歌感二毛

三山懷張東沙和韻

江閣遠清嘯山程驅白雲風塵誰共領天地此平分顧我

時侵暮知君才不群願方靈雨駕瘴海滌炎氛

九鯉湖夜宿

為有烟霞癖言尋島洞幽湖光沉碧殿秋色淨丹丘地拱
天垂蓋雲銷月過樓子微如有約吾道共滄州

其二

此日幽棲處雲岩靜不扃泉聲萬壑應山色四時青歸鶴
窺雙履傳丹有素經如何涼雨夜飛夢遠青冥

夜坐

積雨簷花合空庭春草生王孫情故劇騷客夢初驚滯牒
祛岑寂懷時慨滿盈沉吟發孤嘯匡坐已深更

芋原阻漲

大地忽茫昧山川爭伏昂碧沙沉嶺樹狂吹掣溪航此夜

家家語浮生處處忙維舟違絕壑知有蟄龍藏

送別夏寧湖通府

月明烏背光因之嗟短別徒倚欲何言孟乾唾壺缺
危構棲白雲霜風襲瑤草古人惜別處一笑欲絕倒

甘鈍題贈陸君

海虞縣治東行三十里而遙為耿溼聚聚去海不
數里居人多倚風濤為不法陸君居其間慨然
保家善身之道思所以迪德而樹慶者爰以甘鈍
自命薦紳先生與之遊者各為詩文張之比成帙
携以示余余為之摺
其要題贈九十字

標枝迹茫昧風塵日騷屑七首挾珍竒長驅撼魁桀晶熒
鷓鴣膏安知顧摧折款款東海翁岩岩保貞節行藏握頑

鉛長歌謝銛鐵封堅詎足數摧枯亦微烈吾嗟混沌哀沉
憂五情熱睠茲抗俗衷悟彼守雌說申言激遲暮風清天
下拙

海東柱石篇

東川紀君元凱山西邠州人由選貢為當塗丞受
知當道擢崇明尹始至築城興學修廢舉墜士民
宜之解元周君贈以海
東柱石卷徵詩為賦此

邑封麗海壻晨夕虞風濤况當兵荒後屢第皆荆蒿

廟謨集衆思製錦登才豪吾聞寰東令抗志青雲高建社
壘頽社築城傳新壕時危右文教憂民殆忘勞古人樹勲
奇往往無屯膏細心渤海繩壯懷昌虜刀願言終令圖邁

迹班特髦

蒼野

邑大夫王候別號

儀幹元化青陽暢神功葱蘢被原陸萬有熙條風太和
積氤氳淑景涵冲融生理詎有涯樂意滋無窮仰古對時
訓廣余同人秉千載調元人躑躅堪追踪

登歸宗岩

吾聞歸宗岩奇妙甲霄壤春前承菴君清談詫幽賞再謁
太史評勝景如指掌茲辰諧夙盟登臨謝塵鞅獨上崔嵬
峰奇觀究俯仰連山走平原奔牛突墟奔怒雷挾礮濤長
灘一箭往因之激頽衷超忽刊幻想學道空歲年支離陷

渠黨岩扃白雲封回首重惚恍巢居跡已荒風流吾安放
首夏登達觀亭和韻

晴風發清和丙日躔初度選勝紆曠懷凭高見真趣煙嵐
渺相涵丘壑淨如故鳥語雲間巢僧歸寺邊路岩花爛蒸
霞谿竹淡蒙霧玄境庶可窺山靈未容妬酒傳謫仙盃詩
詠杜陵句浩興成飛揚流光惜遲暮行行降復登戀戀去
仍顧秀嶺盤蒼松平湖蘼叢樹樵聲起林鴉檣影衝汀鷺
天濶翔孤鷺窟窮躍兔龍宮二氏居馬鬣前朝墓物態
巧相縈吾情隨所遇寧將鹿夢馳徒取蝸名護咄咄轅下
駒哀哀草頭露蘭臺朝拜榮蒿里晚生懼定知丹砂功能

挽青春駐少室早辭喧華陽即移步長歌海天遙應識從
前誤

曉發廣城十七韻呈李宗魯掌科

聖世當全盛衣冠萬國同追崇窮典冊勲業競臣工服禮
荒初學狂言效匪躬精誠猶自覲擯斥敢時恫冒險尋征
路餘生付化工羈危天地外漂泊海山東漁網蒙踈堊商
舫舞朔風蠻烟常帶雨蜃氣欲侵虹暫止圓沙棹仍謀峽
嶺驄客囊餘短褐離思逐飄蓬日下聞徐庶天涯挹孔融
軒車辭寵鶴梓里度冥鴻萍梗遭逢偶帡幪氣味通階湍
成坦蕩鼉嶂失巖從忠信傳謨訓功名念始終鼠雄憑化

虎珉礪或成珉明日天山道相期共掛弓

竹里

蒼茫蔣詡徑杳靄子猷村玉槊攬雲立霓旌印日翻蜿蜒
鸞鳳翥瀟灑蝨龍孫涼月浮光燄雄風滌燎燔修容時楚
楚蜜陰固焯焯少室乾坤合湘潭雨露繁高人馳博雅晚
節傲寒暄十軌烟霞窟三吳信義門山花春入座岩雪夜
凝軒德意滋蘭玉天和淡季昆鄴侯書在架北海酒盈樽
玉塵談玄理金徽謝俗喧遊方吾有意結社爾堪援林卧
還從此相期達化元

舟次黃丹渡述懷寄呈李僉憲傑二十四韻

濛江沂深峽長空落驚鳩冥冥蛟龍闔赫赫雷雨垂上瀨
口石險阻風憑山涯怒號峰巒盪漂泊舟航危道在心轉
折時遣數逢竒乾坤一俯仰岐路森嶇崎邊徼兵戈滿山
河戰角悲官符權假借野哭走旄倪鄉有防家約人營避
寇資莽蜂應覓螫鋌鹿固忘維醖舉難爲玉毛分不傳皮
請纓誠已拙投筆尚堪嗤謀國先從野安邊定屬誰令公
忠可托范老智難欺因壘天威在登壇地軸摧神功真不
負廟筭入深思漢闕征南議唐臣淮右碑恩威期並濟調
遣示無私地界仍中外天心達夏夷應知勤邇畧自是洗
兵期客思愁多梗幽懷鬢欲絲鷄棲蘇子嘆鷗宿杜陵疑

播盪遠三窟艱難剩一枝憑君濟危迫慷慨答相知

壽朴菴鄭翁 臨江守鄭雪齋

赤縣辭榮早丹丘引興長風塵恬鹿夢冠服賁龍章瀟洒

耆英會迤邐老耄鄉鳳毛礪絕代厦棟任明堂清白傳經

訓循良識義方黃公行相漢陽子尚留唐壽域開天地祥

星耀角亢煙花凝曉吹歌舞侑春觴五馬情何劇三槐志

欲償南山詩卷在千里寸心將

此詩蓋又重首章中一兩句如衣冠到謝城其文亦山

江蘇句出風吹山雲淡謝朝華盛然何所如或亦以公轉

其五亦其意也其文亦其意也其文亦其意也其文亦其意也

省菴先生遺稿卷之二目錄

奏疏

一題為慎恤治體益宏聖治事

一題為裁私愛以光聖德事

一題為建議處決重囚以便法守事

一題為卹民窮節濫役以彰治化事

一題為宥愚直以光聖德事

一為乞恩軫念民窮選任守令以安地方事

一為乞恩並選才望以惠遐方事

一為達孝思廣仁恩以昭聖德以光治體事

- 一題為處置地方以圖永安事
- 一改設流官于田寧府
- 一改築思恩府城于荒田
- 一改設鳳化縣治于三里
- 一添設流官縣治于思龍
- 一移築南丹衛于八寨
- 一增築守鎮城堡于五屯

書啓

啓陽明夫子

啓歐陽督學

- 啓涂巡按
- 啓陳執之督學
- 啓報守巡諸公
- 啓閩中諸方伯
- 啓汪東麓憲使
- 啓徐都閩松峯
- 啓鄭司馬山齋
- 復戴都憲梁岡
- 啓胡中丞可泉
- 又復胡中丞

復陳大叅棟塘

復李吏部抑齋

又復李吏部

啓王邑令蒼野

啓張尚書半洲

啓聶司馬雙江

寄嚴瞿二太史

復周邑令光政

寄王石崖石溪二年兄

寄舜卿姪秀才

省菴寄周進士虞川

奏跡寄孟主政小谿

一題寄嚴內翰養齋宏

聖治寄李別駕公懋

臣聞寄張上虞雨山術惟賞與罰而已賞以酬功不欲其

僭罰啟舒巡按雲溪濫

陛下即位之初首錄

臣聞寄張上虞雨山術惟賞與罰而已賞以酬功不欲其僭罰啟舒巡按雲溪濫

二卷目錄終

崇禎丁丑較刻

啓王邑令蒼野

海濱滋對雲濤

寄謝士真雨山

寄李眼監公懋

寄翁內翰養齋

寄孟主如小巖二年兄

寄周進士真川

省菴漫稿卷之二

奏疏

一題為慎恤治體益宏

嘉靖二年七月

聖治事

臣聞帝王御天下之術惟賞與罰而已賞以酬功不欲其
僭罰以懲慝不欲其濫

陛下即位之初首錄

先朝直諫諸臣以勸天下之善盡革錦衣衛等衙門傳奉

官員以懲天下之姦賞罰明當

帝德懋昭所以

登極一詔今雖愚夫孺子猶知感激而傳誦之夫何時日未久而窺伺之徒乃有乘間而起者姦貪如王邦奇等則朦朧奏辯以求復其額外賄易之官兇險如陶淳則又變亂成法以旨肆其凌虐縉紳之惡尚幸

聖心未改

國法猶存於兵部所議王邦奇等事情特賜俞允雖以事在革前未議其罪而切責曉諭之詞亦足以折其邪心示天下之所嚮矣獨陶淳浚撥芮景賢妄行奏

請拿解知府郭九臯壹事雖累經科道等官劉濟等奏辯

未蒙

欽允改旨至後乃云待提解到京之日來說臣惟科道所以紛紛奏辯者非爲惜壹郭九臯也亦非謂郭九臯果無罪不當提解也誠以郭九臯

陛下壹臣子耳其所犯情罪行令該管上司一勘問間自無所逃何乃至上勤

駕帖遠差近侍員役勾攝壹罪人於數千百里外哉所至騷擾需索傳之天下孰不震駭正德初年逆瑾用事動輒差人凌轢縉紳壹時剛正之士或被陷至死或見幾遠去壹種貪冒無耻之徒乃相與依阿引比黨惡以濟其私幾

至大變此無事之矣以休與和同以山巖以水其
陛下所深知也夫殷鑒不遠而
陛下且委之曰待提解到京之日來說夫郭九臯既提解
至京則其罪之所歸自有定律何待於言今之所言正欲
陛下守同八至土

祖宗成法以待天下之士黜陟宥辟付之有司毋使小人
假借威福恐嚇天下以成其勢耳
陛下於王邦奇等所奏既能裁革以示天下無僭賞矣於
陶淳所為獨不能明斷以示天下無濫罰也哉伏望
陛下亟將陶淳送置法司明正其罪以為誣下罔上之戒

其芮景賢擅受民詞妄行奏

請事情通行禁革仍乞切責裁抑以為輕信易惑之懲追
止錦衣衛差去員役

勅下撫巡衙門將郭九臯所犯從公體勘果有不法從重
議罪以為貪財贖貨之鑒則成法不虧人心允愜矣

一題為裁私愛以光聖德事嘉靖二年七月

聖德事臣伏聞

陛下覽都督陳萬言所奏下工部司官於獄者竊以為非
盛德事矣陳萬言壹介書生聯姻

帝室爵祿與第旦暮赫然

陛下所以處之者德至厚恩至渥矣謂宜感激懷報務崇
謙抑先矣則言言盡入書上國家之急而後私已之便可也顧乃貪得無厭動輒懷私
陛下深務海涵不即裁制乃震怒臣工欲加之罪何以塞
請托之門答天下之望哉方今四方亢旱邊儲告缺盜賊
蠭起災異頻仍臣又聞陛下憂形於色而貳參大臣圖惟國計莫知所出陳萬言
椒房至親義關休戚曾不加慮乃今日希改授宅第以求
遂其便安之欲明目乞加罪居鄰以求洩其積忿之私卒
又搆情干澤流毒縉紳此豈貴戚大臣體國憂時先公後

私之義也臣願

陛下慎賞賚之施以全戚畹之懿奪衽席之愛以彰明斷
之公諒臣工之心以昭容納之量嚴要求之禁以杜僭逼
之机將即中葉寬等即嘉靖二年十月賜釋放聽其所守以對於天下則太平之治尤為可望而
於陳萬言亦有所懲矣

一題為建議處決重囚以便法守事嘉靖二年十月
臣聞帝王為治法天立政不得已焉而齊之以刑是以戮
人必於白晝大都之中所以昭大惡而懲不軌也決人必
於三覆五奏之後所以重人命而廣德心也然而慎刑之

道在審其初不在於臨決之日恤民之實在祐其良不在於可殺之人第君德以好生為主有稱寃者宜無不矜而弊民以欺死爲心雖無寃者亦必溷奏所貴處置得宜情法兩盡然自正統初年以來有批手留人事例於是該死重囚家富而有力者多臨期僥倖夤緣請托或日暮而旨意不出或昏夜而鼓狀留人或已出監門而中止或已赴法場而取回或事干壹連貸甲而併及於乙或臨事失查誤決而罪坐監臨由是監刑之官遷延偵候束手避責比於行刑多在深夜晦冥之際倉卒之間防範既難姦弊百出而况夫大罪極惡犯該姦黨叛逆之徒彼皆城狐社

鼠巨室強宗萬壹乘藉昏黑意外求生雖使監臨主守之人抵法緣坐然亦足以損

國威而示人玩矣又况刑人而使衆人不及見何以警俗而示鑒戒犯罪而得妄奏以欺死何以行法而致治安臣願

陛下鑒于成憲斷以聖謨由今而後每歲處決重囚先期該衙門奏

請會官審錄審畢將該決人數請

旨定日臨決之前壹日該科參覆奏畢即給

駕帖付錦衣衛監刑官親領校尉詣法司取死囚赴市次

日會同刑部都察院各委官依法行刑定限寅刻以後未刻以前畢事復

命如有鳴鼓訴寃者許於參覆奏以前封進若覆奏已畢奉有門奏

駕帖取囚雖有鼓狀該科毋得輒受其或法司未遇駕帖而先發囚若錦衣衛官不行親賚赴囚所及監刑官不依期處決若各犯親屬非時奏擾所司朦朧封進者悉坐以罪仍嚴行內外問刑衙門凡遇斷決死囚務須虛心窮究多方體訪必證佐顯然取有服辯口詞方可議罪轉行呈請至於奉

旨會審須協心推鞠毋拘成案委無可疑方可判決臨決之日

陛下必避殿獨居減膳徹樂以體天地無嗜殺之心擴父母不忍人之德則法立而情亦通愛舉而威亦著

陛下若不以臣言為謬乞下該衙門詳議可否果有可採乞著為定例永為遵守庶乎犯罪者不以獄為家有生者皆以法為貴監守無連坐之刑囹圄有告空之日矣

一題為卹民窮節濫役以彰治化事嘉靖二年十月二十一日臣聞為治之要原於慎微得民之由始於說近故明王務節已以裕民賢主不徇情而役物近者太監賴義傳奉

聖旨未福長公主府着中兵馬司每日撥火夫拾名巡邏打掃此

命壹下遠近傳者莫不歎咤謂

聖明之世不宜有此額外無名之差且小民無知遁相驚恐以為日撥火夫歸府聽用當該官吏必有賣富差貧之弊跟隨人役必有凌虐嚇騙之苦日久弊滋必有豪猾之徒投托生事之患巡邏不已而工作責之打掃不已而科罰隨之地方人戶必有逃亡流竄之虞臣叨官御史職司巡視伏願

陛下道躋堯舜使天下無壹物不得其所是臣之夙心也

咫尺之地監臨之區有此不均豈容循默蓋長公主

皇室至親闈寺人役豈乏使令駙馬鄔景和旦暮富貴鞭

笞之外僕從充斥掃除門戶之役何必勞民取辦况

祖宗家法嚴密訓戒昭然公主所居豈宜使小民擅入打

掃而府第近依

大內宿衛森然巡邏之夫亦不必添設焉者

陛下乃勤

聖慮降綸音為戚屬之私情而經營僕役之微事舍掌令

徒役之大臣而責成於奔走微賤之兵馬司何以表儀天

下傳示後來此蓋左右近幸之臣伺知

公主愛鍾不也蓋去亦山率之同賦
聖母承迎希寵不顧大體曲爲干澤
陛下仁孝慈愛重違其請姑隱忍曲從欲徐爲之處耳臣
愚以爲大君行事正未必然

陛下果若友愛公主加意優恤當候法司所擬沒官奴婢
量行給賜或查照各王府儀從事例撥發囚徒數名使專
掃除之事供巡邏之役則於公私兩便情法無虧矣人
一題爲省愚直以光

聖德事

嘉靖三年三月

臣聞陸贄之告其君曰諫者直彰我之能賢諫者多表我
之能好諫者之狂誣表我之能容近者

昭聖皇后生辰不受朝賀御史馬明衡朱澗不知其出於
太后果懿旨也輒有論列上干
天聽可謂狂且誣矣然原其本心則以爲

朝廷議禮之初中外憂疑之際

太后果稱疾不受朝賀傳之天下將以爲
陛下之意偏有所重而奸邪詭佞如某者因而乘機遣會
投奸獻媚以僥倖於富貴利澤之途則天下之事遂不可
回而其禍有不可盡述乃冒昧言之而不知其事乃出於
太后而非

陛下之本心也且

陛下自臨馭以來所以致孝敬於兩宮者平均如一蓋無毫髮有愧於

天地宗廟此天下臣民所共知者也若今日之事果出於太后本意則馬明衡等所陳適足以達

陛下之孝思也何足深罪今乃下之詔獄加之箠楚四方聞之將以爲

陛下聖意果有所偏厚而諍臣義士且將卷舌杜口不敢深議天下事矣伏願深惟杜稷之計將馬明衡等亟賜釋放以開聽納之門以荅臣工之望以安兩宮之心以妥九

廟之靈則宗社幸甚天下幸甚

一爲乞

嘉靖叁年

恩軫念民窮選任守令以安地方事臣惟天下之勢譬如

一家藩籬不固則門庭不寧善爲家者高其垣墻嚴其扃鑰擇其人而守之然後外侮不侵而家室永保無事今兩廣地方襟帶山海控扼百蠻固天下之藩籬也然時例以其治雜民夷風土險惡類不輕以進士出身人員選充守令等職故廣東一省郡縣若干以進士選者十無三四廣西一省郡縣若干以進士選者十無一二其捧檄分符南面臨民者率多起家歲貢生員及恩例雜流年力衰邁器

局卑陋之徒彼其既以資格自委無復進取之望而吏胥復緣以為奸旦暮相與汲汲務一切苟且無籍措寇侵漁以為歸老之計尚安望其承流宣化為聖書十無三四陛下盡心民社以固天下之藩籬者哉其中雖不盡無可用之才然硃砂在泥不染而黑砒然為中流砥柱者良不易見也昔劉晏言利之臣其於檢較簿書之微尤必擇士人而用之况千百里民社之寄可付托非人如此哉臣願陛下念邊方之多故恤民命之艱難

勅諭該部凡遇兩廣郡縣缺官一體將進士人員與聽選舉人參錯而用使遐荒小民獲覩太平德化且知

朝廷所以設官為民之意不至復為虜來尚可尹來殺我之謠則豈惟戎蠻歸業疆場安靖且肘腋無虞腹心愈寧其為中國之利亦不淺矣議者或謂進士一途得人有限所宜保全愛惜以需他日之用若置之邊方似為可惜殊不知志士憂時不避艱險多事之地正須得人故常袞刺潮而民庶知文學柳宗元刺柳而州人尚學校楊友為欽州守而交使惕息宋均為辰揚長而滠祠頓絕孟嘗還合浦之珠公綽平武岡之獠往冊所載寔繁有徒任人之效昭然可鑒矣若為愛惜人才不使試於盤錯而徒使庸鈍之徒當之彼其叨濫名器虛糜廩祿固不足惜且一方之

民獨何罪哉昔韓愈有言嶺南人稀地廣請為選有材用
威信諳事者為經畧使處理得宜自然永無侵叛之事張
九齡亦曰欲治之本莫若重守令由今觀之欲安地方須
重守令欲重守令須用進士
陛下若不以臣言為謬俯賜施行則唐人所言不盡用於
當時而其效反大見於今日萬世之下所以詠歌
聖德者何如哉

一為乞

嘉靖叁年

恩並選才望以惠遐方事臣惟帝王以天下為家官使以

得人為本况邊徼之地中國藩籬撫馭非人為害不細今
廣西地方去國萬里三面邊夷復嶺重岡盜賊盤踞瘴氛
蠱毒之所聚虎狼蛇虺之與隣土官玩法而桀驁猶蠻負
險而跳躍積弊萬端莫能盡狀又况軍勢單弱村落窶遠
民居其間枕戈而寢帶甲而耕朝夕皇皇靡有固志服則
人不服則獸臨馭之際最難得人而時例以為邊方絕域
人不樂居所選用藩臬方面官員多以名望素微或考察
才力不及者充任故進取之士搖手吐舌惟懼入選每
朝命一下見有廣西字樣則物議沸騰毛吹其故不曰此
必素行不脩則曰渠必獲罪當道互相傳報遂成指實聞

者因之曲為顧慮或得報而引疾以求退或赴任而改節以他置或延住原籍以俟時或緣飾別故以求調惟務苟且鮮知淬礪所以政日益廢民滋不寧臣以為普天皆王土率土皆王臣今例以遐陬僻壤故用一切庸劣失職者備員誤事將非

聖王天下一家底綏四方之道乎臣願

陛下一視同仁特

諭該部權時之宜酌量區處但遇廣西布按二司員缺在內於科道部屬在外於州郡正佐內擇其年精力壯資俸尚淺而賢聲懋著有志用世者選拔銓注前來供職若能

奮忠效勤即於本省缺員陞補如有卓異政績亦便不次擢用夫銛利之器宜於盤錯才智之士勇於功名

陛下因有以勸之其所以出謀發慮爭先效用者豈容自已哉昔漢永和中南征區憐歲餘不克

朝廷從李固議以祝良拜九真太守張喬為交州刺史二人至任開示慰誘招以威信嶺外復平唐貞元中廣西黃洞首領黃少卿叛韓愈建言比緣邕管經畧使德不能綏懷威不能臨制侵欺虜縛以致怨恨攻劫州縣侵暴平人由此觀之官得其人則危者復安不得其人則歸者復叛用人之際關係匪輕而乃以邊方僻惡重違人情顯以匪

人充任萬一蠻夷之性易動難安嘯聚而起致生多事以
厯代雖文官治其入限或武官治其入俱備亦其時
宵旰南顧之憂臣恐藩籬失守門庭之內且不得安寢而
卧矣黃少微詩翰食其言一為達孝思廣仁恩以昭
聖德以光治體事臣聞天子之孝不與庶人同故以愛親
之心愛人則敵國頑民弗敢讐也以敬親之心敬人則近
臣侍妾弗敢狎也愛敬盡於事親而德教加於百姓刑於
四海然後能合萬國之歡心以事其先王謂之至孝恭惟
皇帝陛下光紹大統追崇本生採侍臣之謀議定百世之

徽號固人子迫切之至情帝王制作之微權也已而頒示
中外賚以洪恩天下之民飲河潤之沾濡迴餘生於枯槁
者臣固不知其幾千萬人矣然一時議禮之臣獨以所見
不合上干

天威貶黜責逐輾轉窮途以至於今而未蒙收卹非所謂
滿堂燕笑有向隅之悲者乎始者天下之人將謂
陛下假此動威以曲成大体耳今大禮積日已久而諸臣
得罪如故是以人心囂然不能不北向引領庶幾
恩命之渙頒也竊惟古者君之於臣若父之於子保全愛
惜無所不至故體國而奉公者必錄其功逆耳而犯諱者

必原其心立異而黨同者必察其故緣忠而冒禁者必恕其責漆器始造諫者十餘人舜不以為黨也西旅貢獒太保進慎德之訓武王不以為許也降迨後世此義間存若汲黯矯節而發粟郅憚閉關而拒駕劉栖楚碎首玉階呂公著封還除目凡若此類可謂方逆心干犯刑憲矣然當時之君或深為優容或更加獎掖亦以其志在輸忠事非為已故不以迹之可惡而輒加罪焉所以和國家之脉而通上下之情也今議禮諸臣皆經生腐儒守其師說不知時變一時憤所發雖或傷於急切然心本無他罪亦可恕大地之大何所不容臣願

陛下青災肆赦弘布希濶之恩將議禮以來因忠得罪謫官如呂楠鄒守益夏良勝鄧繼魯季本陳相段續林應驄黃國用某等為民如安盤馬明衡朱澗王時柯某等充軍如豐熙楊慎王元正張翀余翺劉寂黃待顯毋德純某等均賜收用許其自效其因被杖責邂逅致死者量加優恤以慰幽魂予以廣愛敬之誠心收歡心於萬國則聖孝昭彰天人協應

興獻皇帝在天之靈所以昭格陰佑求錫祚胤者何如哉臣又聞宋宣仁太后嘗謂其臣范純仁曰卿父仲淹可謂

忠臣當明肅垂簾時惟勸明肅盡毋道明肅上賓惟勸仁宗盡子道夫當淹疏請還政之時明肅嘗不堪矣孰知異日爲吾效忠身後者即斯人也哉故忠臣之議始終持正不敢負國而凡忘恩負義賣主規利者必平日阿諛順旨諂容苟合之士也今諸臣引義固爭若非所以承事陛下者但求之異日不可謂無范仲淹其人於是乎宥其狂妄諒其忠誠登之榮寵之列復其職守之舊則涸輒之鱗復沾洵沫他日盡忠圖報者寧復自愛其力哉

奏疏

題爲處置地方以圖永安事

代巡撫兩廣都御史林富

某官某謹

題爲處置地方以圖永安事據廣西等處承宣布政使司呈該本司掌印左布政使某會同按察司掌印廉使某都司掌印都指揮使某會勘得云云等因會案具呈到臣查得接管卷內嘉靖七年月日不等該提督兩廣江西湖廣等處地方軍務新建伯南京兵部尚書兼都察院左都御史王守仁准兵部咨該新建伯王守仁題前事奉聖旨該部看了來說本部看得本爵旣勦積年之寇復興善後之思所據迂衛改府設縣增鎮具見計慮周悉相應依擬今將本部應行事理議處開

請候命下之日移咨本爵將所奏南丹衛迁移周安堡增築鎮城於五屯查揀官軍守禦務要選委能幹官員分投整理其工料之費仍須處置得宜及禁革下人蕩費擾害工完之日造冊奏繳其或臨期事體應該損益一面從宜規畫一面星馳具奏等因題奉聖旨是准擬行又准戶部咨亦同前事該本部准兵部咨看得新建伯王守仁乞要改築思恩府城於荒田移設鳳化縣治於三里添設流官縣治於思龍無非弭盜安民思

患預防之意及照本爵題稱遵奉

勅諭一面相度舉行緣未開有估定工料動支錢糧數目事在彼中相應查處合候

命下之日移咨新建伯王守仁將各項事宜再行三司府縣等官從長計慮若果別無違碍就便選委能幹官員乘時舉事完日造冊奏繳等因題奉

聖旨是這等還行王守仁督委三司等官查勘從長計處備由具奏定奪又准兵部咨爲地方大慮事該太子少保禮部尚書兼翰林院學士方獻夫等奏前事奉

聖旨這事已有旨了修建城邑防患事宜還着王守仁公

同鎮巡三司等官議處停當具奏定奪務要一勞永逸勿
貽後艱該部知道欽此俱欽遵備行前來已經案行三司
各掌印官會同副參等官查勘未報嘉靖八年五月二十
日該臣到任管事又准吏部咨爲傳奉事據廣西南寧府
知府蔣山卿開具揭帖到部該本部看得知府蔣山卿所
言似爲有理但事難遙度合咨煩爲斟酌停當徑自具奏
定奪施行備咨准此又經通行查催去後今據前因除行
總鎮兩廣地方內官監太監張 巡按廣西監察御史陳

會議相同外臣惟帝王御世慮周天下之防而大要以
變宜民爲本威震八蠻之俗而厥心以勤邇略遠爲而故

事不必更宜有不容不更者地不可棄亦有不得不棄者
蓋操縱闔關之間關乎理亂安危之勢事体一乖禍機所
伏固不可膠常而失機亦不可任情而基害臣觀新建伯
王守仁所議遷衛政府設縣增鎮與先次都御史姚鏞奏
請改設流官等事無非安邊闢國保治防危之計但當時
身在兵戈之衝事當匆迫之會言有可採未暇致詳機或
可乘惟恐坐失是以謀建而人已未孚身去而是非相半
中間因革損益各有所宜委如各官勘議事理臣既已覆
查相同除改設城池分撥里甲支用錢糧調復兵款候另
造冊奏繳外今將先後議勘各項事情備由開款具奏定

奪伏乞

聖明詳擇施行臣不勝祈懇懼罪之至

一改設流官於田寧府臣等查勘得田州府自國初洪武元年岑伯顏遣使歸附得世襲土官知府傳至岑猛驕縱不法遂干天誅一時泣事之人因見元兇授首群黨離散議欲乘機集事改設流官如往時思明思恩之例此其意在爲

國闢土開疆稍償兵興鉅費而不知夷夏之界不可隳刑誅之章不可濫駕馭之機不可失貪倖之階不可啓夫田州介居南寧泗城東蘭之間徭獞土夷分布村落居人椎

髻跣足烏言侏儻不可化誨不可招徠衣冠禮樂之教卒無所於施而其疆境險遠旁通雲貴交趾地界關梁山隘所備非一今若改設流官則邊防之守我獨當之徹戍則兵爭莫禦多備則財力不支進退兩難實爲未便而况夷獠之性與漢人不侔剽劫爲生淫暴成俗故漢臣諸葛亮破南中即用渠率統之不置漢官不留戍兵以爲置官則夷漢雜居猜嫌將起留兵轉糧爲患滋甚宋元祐間置沅誠二州傳堯俞上言招致熟蕃僥倖爵賞入版圖者存虛名充府庫者無實利不毛之地旣不可耕狼子野心頑又莫革士卒死於于戈官吏沒於王事非徒無益而又害

之此皆老成謀國灼知夷情之變而非苟利目前者也論者或謂古今異宜強弱異勢今日之事與漢宋不侔則我太祖高皇帝肅將天威百戰百勝混一區宇之後力豈不能掃蕩妖氛使之盡同中國文明之治而各處土官衙門但皆各仍其舊與之羈縻不絕蓋亦以爲邊方炎瘴反覆之人非我族類其心必異姑順其土宜以盡其力使人自爲戰固我藩籬而我中國之民得以安居耕鑿不罹侵擾毒螫之患此則

聖人達權通變與世雄秘筭神謀萬代如見者也今若改設流官於田寧非但徹藩去屏備多力分而夷漢雜居之

禍兵糧轉輸之苦圖籍虛存之弊吏士他日之虞將必有如漢宋諸臣所慮者矣且岑猛之惡止是驕恣不法荼毒鄰境本無謀反叛逆之情臣昔嘗見報兵部題奉

聖旨云岑猛旣罪惡彰大當急爲區處着都御史姚鏞會同鎮巡官再行審度酌量若果悔過請罪自能投出奏來定奪由此觀之

陛下於岑猛亦嘗諒其有可赦之罪而欲開其自新之路矣然當此之時湖兵已集

天討已行監兵者不敢再受其降而猛小人惧罪懷疑勢難復出然猛終不敢整兵東向而但鼠竄求活則其平日

本無反狀亦爲可知夫以岑猛得罪始末不過如此故因其平日驕暴拒敵之罪殺其身戮其長子岑邦彥則已於情法相當生死無恨而遽俘其妻孥籍其土疆收其財寶則是刑不協中罪過其惡而不足以深服諸夷之心也方今四川雲貴湖廣廣西土官衙門無慮數百彼見同類之人槩及誅夷必且以爲貪其土地利其民人過求其罪而漸剪除之未免有輔車相依唇亡齒寒之慮一旦變起倉卒非惟不肯效命而且有阻兵自守中立顧望者矣且今天下一統萬國咸賓際天溥海皆通職貢豈須益此土夷彈丸黑子之地建設流官然後大爲快哉宋臣楊時有言

邊事之興多出於養功幸利之人夫蠻獠猖獗自古已然不務撫循之使恩威兩行乃欲幸其有事草薙而獸獮之以求有功一有失律敗衄不支臣愚雖不能策功立勲以佐陛下旋乾轉坤之治實不敢邀功生事以傷

陛下好生柔遠之仁竊 今日田寧事情但當仰體

聖祖立法本意下循土夷相傳舊俗降爲州治仍歸土官岑邦佐既係岑猛親男與思明思恩事體不類即命爲日州知州使服屬其頭目以招輯其夷黨而又如新建伯王所議推選酋豪設爲土巡檢明立地界使分管而世守之夫降爲州治以削其權分設土巡檢以殺其勢無事則

倚角而守有事則彼此相防其勢莫敢先動而岑邦佐當
奔蕩罪廢之余雖幸保全首領蠻俗未深信服其勢不得
不倚重對朝廷若乘時授之則其感恩懷報自不容已且岑猛以玩
法受誅而其遺孤復得以蒙恩襲職則刑賞無私威愛允
濟各該土官聞之咸謂

陛下貴信尚義命令如天地之至公莫不踴躍嗟嘆以潛
消其崛強桀驁之私益堅其歸順效忠之志而比守近諸
臣亦當聞風感化飾躬修職不敢邀功生事於蠻人以貽
他方他日之害矣夫有邊事者邊臣之福無邊事者國家

之福臣非敢委靡偷安違衆自用但事體重大關係匪輕
措置一乖禍患叵測故敢冒昧言之伏惟

聖明裁擇

一改築思恩府城於荒田先該新建伯王王奏稱看得思
恩舊治原在寨城山內後土官岑濬移出地名橋利就岩
險壘石爲城而居四面皆斬山絕壁自岑濬被誅反者數
起况其地瘴霧昏塞薄午始開中土之人來居輒生疾疫
近因督勦八寨親往相度乃於未至橋利六十里外得地
名荒田者其地寬衍膏腴兩水夾繞合流於前入武緣江
水達於南寧四山盤回秀麗真可建立府治蓋思恩舊在

萬山之中水道不通無所資食故各夷終歲不一至府治情益踈離易生嫌隙今府治旣通江水商貨自集諸夷所須皆仰給于府朝夕絡繹自然日加親附而武緣都里舊嘗割屬思恩者始因路險地隔不供糧差今荒田就係武緣止戈鄉一畝二畝之地往返無阻則該府之官自可循土俗以順各夷之情用漢法以治武緣之衆夷夏交和公私兩便又據知府蔣山卿揭帖開稱往歲王受之亂止戈實當其衝屢次攻劫止戈之民恨食其肉而不可得今乃移思恩而建府治於荒田割止戈之民爲之祗候之卒瘡痍未復工役又興止戈之民復何罪哉且思恩頭目百姓

仍居故地而該府流官復別處荒田是棄思恩而不顧也前件臣等查勘得思恩府舊治地名橋利委係險惡瘴厲非人所居其武緣縣荒田地方實爲思恩咽喉出入必經之處地勢廣饒可以容民畜衆水道通達可以通商聚工若守土之官得人爲之休養生息柔遠能邇可使夷夏交和公私兩便誠有如新建伯王所陳者其知府蔣山卿所開王受攻劫止戈之民怨恨等事誠亦有之但其始雖緣夷性反覆好作不靖亦以府治孤懸險地流官不能自振耳目手足皆受制於惡酋以致是耳今王受旣以報效蒙恩齊民亦已安居脫禍正宜棄怨交歡各止其所不當

復以革前之事互積猜嫌使夷寇得指爲口實釀成他日之禍也况止戈去武緣絕遠緩急不能相及知府爲四品流官隨從不可無人故遷設府治以鎮據一方雖爲思恩亦爲止戈也編派祗候以供給知府非爲王受乃爲流官也又設險守國之道不一勞者不久逸不暫費者不永寧夷方四戰之地而欲乘機扼險以待暴客則固不當以瘡痍未復爲辭矣至於頭目百姓仍居故土該府流官別處荒田正所以嚴夷夏之防開展布之地絕嫌隙之端通款附之路與臣前所陳革田寧府而立田州不遷南丹衛於八寨而遷於三里者正相表裏非所謂棄而不顧也蓋司

恩府治之勢重則各處寨峒之險亡流官守臣之令行則諸夷頭目之心懾事体旣是相應物論皆以爲當故改築思恩府於荒田真保治安民勢不容已之事臣是以備述機宜再瀆

宸覽伏惟軫念遐方特

賜採用臣不勝幸甚

一改設鳳化縣治於三里先該新建伯王奏稱看得思恩府舊有鳳化一縣然無城郭縣治廨宇選來知縣等官多借居民村或上司委管別印以苟歲月故鳳化之在思恩徒寄虛名而實無縣治看得上林縣地名三里在八寨

之間平曠博衍多良田茂林前此居民千餘家皆極饒富
後爲寨賊所驅殺占據遂各四散逃亡今各賊旣滅遂空
其地不及今創設縣治以據其險或有漏殄之賊潛回其
間日漸生息結聚後阻石門之險前守外隘之寨不過數
年又將漸爲地方之梗矣宜割上林上下無虞鄉三里之
地屬之思恩而移設鳳化縣治於其內逃亡之民將盡歸
來而修復其田業供其糧差蔚然遂可以成一方之保障
且其南通南丹新衛五六十里內外連合而石門險亡西
至思恩一百餘里兩地之人往來絡繹而道路益通又上
林舊在大鳴山與八寨各賊之間勢極孤懸今得鳳化爲

之唇齒氣勢日盛及照思恩雖已設立流官知府然其所
屬皆土目巡檢而舊屬鳳化一縣亦皆徒寄空名今割武
緣止戈一啣二啣之地改築思恩府城而又割上林上下
無虞鄉三里之地改設鳳化縣治則於思恩亦已稍有資
輔但自鳳化三里至於思恩中間尚隔上林一縣臣以爲
并割上林一縣而通以屬之思恩似於事勢爲便而於體
統尤宜

前件臣等查勘得三里地方原屬賓州上林縣其地平曠
博衍內多良田外有險隘南可以限制八寨西可以聯屬
思恩上林誠有如新建伯王所陳者但其地當險遠勢

須屯兵固守而非有司目前政令之所能得意者故臣以爲遷衛則宜設縣不便此皆故老舊人熟知其事爲臣備談利害非敢臆斷冒述以誤

國事也但本爵又議稱改鳳化縣以爲思恩資輔并割上林縣以屬思恩於體統尤宜者臣又廣詢博訪參酌人情事勢似有未然蓋思恩自岑濬受誅二十餘年反者數起朝廷始因成功不廢設立流官其實選來知府皆不過因循歲月苟且避禍蓋未有卓然自立能禁制諸夷頭目者非其心不欲勢不可耳只今流官知府雖未可議革至鳳化縣係是近年添設本無衙門駐劄徒寄空名而無益於

事體今既改設城頭巡檢司以循土夷之舊則此虛設之縣自可裁革以省地方之費矣又况上林縣境不過八里而實爲八寨咽喉兩江屏障之地無故分割三里人戶則其勢益孤不足爲鎮而又以上林併屬思恩則不惟賓州失其屏障而兩江聲援阻絕易致生變殆非

祖宗立法犬牙相制之意也且蠻夷之性易動難安往歲王受之亂幸得上林爲之限界今併以上林屬之思恩是爲之借兵資糧助其羽翼一旦變生倉卒必且鼓行而前無復顧忌矣臣與各官詳計熟慮思恩府既已改設於荒田但可分以武緣縣止戈鄉一二圖之地併其舊轄里都

徑隸府治如雲南尋甸等府事宜正不必曲求資輔膠執
體統以驅夏而歸夷損此而益彼也南丹衛雖已改遷於
三里其地本屬上林與上林木屬賓州自可各仍其舊而
亦不必過爲紛更以駭人耳目嗚人性情蓋邊方反覆之
地又當兵戈擾攘之余救弊補偏去太去甚使民樂見其
新而不至懷戀其故乃可以保治圖安不貽後悔臣所以
竭力傾心庶幾圖報不敢囁嚅苟同以自取欺罔之罪者
此也伏乞

聖明裁擇

一添設流官縣治於思龍先該新建伯王 奏稱照得南

寧自宣化縣至於田寧逆流十日之程宣化所屬如思龍
十圖等處相去尚有五日六日其間錯以土夷村寨地已
隔越而窮鄉小民畏見官府故其糧差多係在縣之民宿
姦老蠹與之包圖以一科十小民不勝迫脅徃徃逃入夷
寨土夷又從而侵暴之地日凋殘盜賊因起近年以來思
龍諸圖鄉民屢乞設立縣治以便糧差蓋亦不得已而然
因親歷其所經理相度得村名那久者其地亦寬平深厚
江水縈迴環匝居民千餘家煙火相接且向武各州道路
皆經由其旁亦爲四通之地若於此分割宣化縣思龍一
五六七八九十十二及四鄉之六八圖共十里之地而設

立一縣治則非獨以便小民之糧差賦役亦足以鎮撫要
害消沮盜賊其間小民村居如那茄馬坳三顏那排之類
諸夷自不得隱占皆將漸次歸復流官而其地遂接比於
田寧固可以所設之縣而遂以屬之田寧矣又據知府蔣
山卿揭帖開稱思龍立縣之說蓋因本里去縣窵遠納糧
當差往回不便而宣化廩民爲之代納替當任意花銷倍
增利息思龍之民不勝其苦故嘗具告官司願別立一縣
以便糧差其意惟知仍屬南寧府今乃謂田州土民不知
供給流官割思龍以爲之附是何異割肉以補瘡彼思龍
之民何罪哉

前件臣等查勘得思龍等地方係是南寧府宣化縣屬鄉
但相去隔遠往回動經旬日以故官府之政令不行人戶
之糧差多負而積年姦姦因得以夤緣上下掊剋自肥以
致迯叛相尋公私俱困今若設立縣治選置長吏爲之承
流宣化以和輯其民人变化其風俗聯屬向武諸州招徠
馬拘那茄諸寨民情土俗最爲相應但該鄉久屬南寧一
旦割歸田州非但慕虛名而無實效其實棄黔首以業左
枉况夷夏詳畧異法好惡殊俗以中國之民屬之士官未
免凌轢蹂躪額外剝削生人之受害不足言而地方之事
從此敗壞矣故知府蔣山卿以爲割肉補瘡思龍之民何

罪彼盖因所守信地察知人情不得不言也臣等訪之故老叅之官属僉謂思龍事情必須建設縣治欲設縣治必於那九地方盖其地勢廣平深厚江水縈迴環匝竹木森翳道里四通若縣治一立真足以鎮據要害消沮盜賊但不以歸諸田州而照舊属之南寧則遐荒小民與官府日相親近知

朝廷所以軫念不遐遺之意自然感恩從化無復向者之魚散鼠匿戶口日增而藩屏日固矣此一事之微而利害得失特在轉輾之間伏惟

聖明裁擇俯賜施行臣不勝幸甚

一移築南丹衛於八寨先該新建伯王守仁奏稱看得八寨之賊實為柳慶諸賊根抵每寨有衆千餘肆山環合同據一險各巢之賊皆倚恃八寨為逋逃主每有緩急一投八寨即無所致其窮詰八寨一呼則群賊皆應聲而聚故群賊之於八寨猶車輪之有軸樹木之有本若八寨不除則群賊決無衰息之期也今幸八寨悉已破蕩正宜乘此平靖之時據其要害建置衛所以控馭群賊看得周安堡正當八寨之中四方賊巢道路之所會議於其地創築一城移設南丹衛於其間又看得迂江八所皆土官指揮千百戶等職舊有狼兵數千以分制八寨徭賊後因賊勢日

盛各官皆不敢復入今八所土兵雖已比舊衰耗然亦尚有四千餘衆若留其微弱者四所於外以分屯其所遺之田而調其強盛者四所於內與南丹一衛之衆以守亦且四千有餘隱然足爲柳慶之間一巨鎮矣此鎮一立則各賊之脉絡斷咽喉絕不過十年柳慶諸賊不必征勦皆將效順而服化矣

前件臣等查勘得八寨賊巢實爲柳慶思恩各峒蠻賊根抵今幸征勦之餘根株已拔黨類分散正宜乘此時據其要害以控馭群賊誠有如新建伯王守仁所陳者但興工動衆在於合人情守要據險莫先於得地利謹按八寨地

方是惟蠻賊土人之所能居今欲移設南丹衛於其中終恐事体不宜患生所忽蓋遷衛之說其便者有四頑山絕地商販不通一也瘴癘疾疫人無固志二也生理無聊易驅從叛三也凌險孤居緩急無援四也而况賓州上林之間實爲左右兩江障蔽若撤去南丹衛則兵力告弱兵力既弱則猺賊生心萬一不逞之徒分兵扼險牽制八寨而大衆衝蕩奔突以臨賓州則聲援阻絕勢將不支兩江其能晏然而已乎故臣以爲遷南丹衛於八寨非計之得者此也然天下固有同事異形名迹相侔而利害頓殊者此又不可不辯臣觀廣西之賊八寨最劇守備之兵上林最

虛今八寨已蕩平返正則機不容於再失南丹雖安土重
遷然勢不可以遂止何者南丹衛設在賓州固不足以遙
制八寨遷諸八寨又不得以還護賓州爲今日計必求彼
此相宜緩急可賴以爲地方長久之慮者惟在遷南丹衛
於三里耳蓋三里之地即王守仁所議改設鳳化縣者地
屬賓州上林縣平曠博衍多良田茂林南連八寨西達思
恩形勢險要可耕可守王守仁已備言之矣但設縣則割
賓州之地以益思恩是圖彼而失此也遷衛則守賓州之
險以制八寨是一舉而兩得也又况南丹衛雖遷不出賓
州界內上人熟其地理貧軍利其田產踴躍願行而思恩

上林等地方相去皆不過兩日之程自此聲息相聞氣勢
相倚聯絡應援日就安寧故臣以爲遷南丹衛於三里於
事體最爲相應也然方今八寨賊徒雖多授首而餘燼終
恐復燃計慮不可不悉臣等查勘得周安堡委在八寨之
中四方賊巢道路所會宜就所築新城建立守備衙門選
委指揮壹員守把其地將南丹衛軍旗分爲上下兩班番
休遞戍其遷江八所原係本管地方量遷四所以居使之
協力防守仍召募各土官衙門舍人頭目但有謀勇出衆
能招集五百人以上足以制服群賊者就令統率所屬守
把一寨與遷江所官兵俱驗撥賊巢田產使之耕種以資

衣糧候三年之外地方寧靜然後量爲科稅土目土舍委能宣力報效量授土巡檢職員使之世襲以聽宣調蓋土人思世其官必將有所顧忌而分屯各寨勢分力弱易爲驅使遷江所係舊轄地方本無所辭而又得土巡檢爲之唇齒使之相兼相制又有守備官軍往來督察必不致與賊交通其南丹衛分班軍旗居者有安土之樂行者有畢戍之望必且歡欣顧戀甘心效力如此則賊徒之殄滅有期地方之安寧可望矣伏乞

聖明裁擇

一增築守鎮城堡於五屯先該新建伯王

奏稱斷藤

峽諸賊旣平宜相其要害創立一鎮以控制之惟五屯正當風門佛子諸巢穴而西通府江北接荔浦最爲緊要之區舊已有千戶所統率官軍亦幾及一千之數困於差役日漸躲避官司失於清理止有五百其後上司不問地方之艱難分調哨守所餘遂不滿二百旣而賊亂肆起守禦缺乏又取調潮州之兵數百協守五屯事旣紛亂兼以統馭非人故地方遂致大壞且其屯堡墻垣卑隘不足以壯威設險今宜開拓其地增築高城度可以居三千之衆而設立守備衙門於其內取五百分調哨守之兵其自潮州調來協守者盡數發還原衛仍於附近土寨目兵之中清

查揀補其原避差役者務足原數一千選委智畧忠勇官
壹員重任而專責之叅將兵備各官又不時親至其地經
理而振作之無事之時隨意取調附近土官兵欵協同哨
守更班往來慣習各巢耳目果有兇梗當事舉動然後密
調精悍土兵一二千名如尋常哨守潛集城中相機而發
此增築城堡以據要害正宜及今爲之而亦事勢之不容
已者也

前件臣等查勘得五屯千戶所在梧州府藤縣西北百里
間其地正當風門佛子諸寨而與府江荔浦相通爲斷藤
峽賊巢左臂洪武八年土目覃福招集獐人八百六十四

名隸桂林右衛中左所受千戶職管理其衆以居後覃福
旣故衆多逃移死絕至成化元年僅存五十餘名都御史
韓委官撫諭各獐多自首補伍因爲奏設五屯千戶所衛
門授正千戶李慶與土官覃世瑛協同管理爾後節年招
諭清勾其衆幾至五百餘名各該監臨官員因廣西地方
多事將該所土軍分調各處哨守又恐本處守備單薄仍
調潮州衛軍旗前來輪戍爲照前項五屯地方峻險衝要
谿徑之出入多岐盜賊之聚散不測調來新軍不服水土
不諳地勢平居多懷土之思倉卒無應敵之謀而土人頻
年聽調夷寇終身土着客主之勢旣殊強弱之形遂判所

以盜賊滋蔓地方莫能寧息也又該所舊設屯堡其地界
逼迤既不足以聚衆畜兵其墻垣卑陋又不足以示威却
敵而流官土酋雜居駢處非有尊官監臨其間易至玩愒
而忘備猜嫌而起爭故新建伯王議將五屯地方開拓
地界增築城堡以設險而壯威收回土軍五百發還潮州
諸軍以便民而省費責成於守備指揮振理以叅將兵備
以附衆而講武清補原額一千名數量調兵款數十百人
以示強而備敵蓋亦察知時變備盡事宜不惜一時創造
紛更之勞而欲爲地方長久安寧之計者也臣等相機允
協詢謀僉同皆謂多事之地必如本爵所處庶幾可保無

事蓋其所謂謀成而敵自敗城完而寇自解險設而賊自
摧威震而姦自服者類非虛語臣故不避煩瀆之罪爲
陛下重復言之伏祈

聖明賜允

省菴

漫稿卷之二

海虞陳迥著

曾孫男宿樞校梓

書啓

啓陽明夫子

伏承鈞命欲以闔郡生徒下委使卑職教學爲務無徒汨沒于簿書云者此繇高明愛其至深待其至厚故忘其不肖委任責成過分如此然實有不可冒處者庸才鄙識不模不範塊然血肉之軀有何道業可以傳授乃敢抗顏爲師如柳宗元所爲譏切當世者哉近世有志之士苦心復古一時相與之徒不知檢約自干物議而好與者毛吹蔓

舉至欲投鼠而并及其噐此高明所親見而深爲之不平者也今以某之不肖而謬焉崇委其能終不辱逮門下矣乎自顧缺然無一可以奉承德意者惟高明炤察

啓歐陽督學

蒙諭社學一事向緣諸生文氣衰颯未易卒變弊在讀書不多玩理未到推原其故乃在童蒙之初原無積累工夫既長而此心益放不勝扞格勤苦難成之患偶有所觸不敢不陳其諸經理作興之方本無別見可以效涓涘于海岳也第聞天下之治任法不如任人近郡刺史還自朝集素以學校爲重必能奉行教條少加磨礪易以立功鄙見

如此伏惟高明裁察

啓徐巡按

明公代天弘化卽今合省皆春體道盡人容使一物失所念某蚤季喪怙與母相依日得罪南遷歲已三易旬日之間便風自北聞老母自迨遠離懷戀不已目力漸減不能久視又屬醫師謬庸妄投藥餌數月以來更加昏蒙不辨黑自某旅懷得此如坐鍼氈寢食俱廢誠恐及今不得一歸省視湯藥異日雖蒙 聖朝寬宥恩許還鄉身體髮膚雖幸苟全而老母已不能睇視徒籲天而無及也爲此不避罪責冒干鈞嚴伏乞俯鑒下情特賜寬假使其得代案

下吏役奉一便差因公盡私一經吳中候問安否萬一老
母積息之餘倏見遊子遠回歡欣過望勿藥有喜則老母
不終爲廢視之人迨亦少追不孝之罪此生餘季皆明公
所賜鏤心刻骨安敢負大德也情迫詞繁不知所裁

啓陳執之督學

江南士子聰俊者多類以吟詠流連分其聰明不能專心
性理之學是以鮮克大就至于近來時義浮靡已甚間有
用意復古者卒亦枯淡無復餘味皆係讀書欠多說理欠
精取工于筆而不取工于心也必環竒雄偉之士提要鉤
玄華而不靡淡而不厭用世俗之體敷古人之心然後可

以語此三昧耳轉移鼓舞是在執事當有不言而喻考亦
幸辱雅愛偶有所知不敢自外也吳公子游爲敝邑人今
其後流落可憫近覩

恩旨令有司措置祭田未審奉行何似公暇乞一督察于
以光先哲而勸後學此固斯世斯文之大幸也

啓報守巡諸公

地方告警匆卒南行情緒紛然未遑面別抵此憑藉德威
賊徒已遁安溪德化上下皆安堵如故召集父老備詢根
繇僉謂此賊從西界流劫而南必是大帽山餘黨譎傳礦
發乘勢而來屯聚數日見我寂然無應意欲招誘姦徒乘

機擄掠官兵垂集且凡曠野蕭然毫無所獲遂復結隊而東逕指饒平地界迤邐而行今年惠潮歲稔其地又素稱富饒猝然至彼可以得志若飽所欲勢必浮渡而西別取遊歸其舊穴于我可以無慮萬一潮平有備彼復循故道而西則獸窮必鬪鳥窮必攫我不可不豫爲之所僕旣聞此言又與諸士夫叅質所見大畧相似即日督遣府衛捕巡等官逕至緊急地界督率團保人衆互相防守仍多差驍勇人役直趨鄰省要害處所挨捕緝訪雖一六黨與內以杜翕從之姦外以阻奔突之患懸賞格以待有功厥譏察以防不逞申明號令慎固封守然後親率健士五百數行

而前彼見我兵早已膽怯奔馳竄伏無心格鬪僕遂下令收屯不得漫行俘戮但手無挺刃卽是良民逞力抗違卽行擒縛馳至青林地界日色昏黃聽其潛躲中宵微雨偵知漸散次日金鼓齊鳴示欲出勦僕因親稔地方貧苦饑迫流亡掩殺不辜誠爲可憫又軍令雖嚴恐遊手姦徒不無假借勦殺奪其財貨于是佯示進師聽其宵遁此非僕果有奇謀勝算得以不戰而平此賊亦非心懷畏縮因循解縱實爲道路親見流離對賊親見餒怯審時度勢可以相已故敢率師而還駐劄泉州相時策應先差健卒馳報今惟四遣偵探察其動靜遲有成績另行開報不宣

今啟閩中諸方伯
日因地方告急匆遽南行有懷種種未遂請益茲幸羣克
鼠竄民頗安堵方責令所司循跡撲捉防其復聚埃有成
績別行馳報第盜賊起于饑荒流亡迫于征斂自古未有
民窮歛急不釀成此患者今天時亢旱歲事大禳入境以
來惟有饑聲在耳菜色在目大戶貶食以度日貧民張口
以待哺于斯時也不為出格救濟急散緩征一旦事發不
測吾屬何以爲辭查得各府濟留倉穀數不下六萬餘石
本道職司
借建寧倉穀亦幾二萬已經面啟制
應放請
地方呼集各處極貧飢民給粥

發穀隨宜賑濟其支用倉庫數目候竣事之日各屬徑申
貴司查覈外但當此饑荒民方仰給縣官以延旦夕之命
而聞上司公移方欲清查糧料以完新舊積逋事體相左
奉行兩難聞之不覺矍然驚悔乃不避嫌疑專狀馳瀆切
念今日之事譬之拯溺解懸有介于側者例不當舉手爲
勞而况責當司命事涉同舟安可不共爲汲汲也乞將十
五年以前拖欠槩與停徵多發告示曉諭邨落小民使在
官人役不得寅緣生事乾沒其間其本年秋糧本色盡數
派徵折價庶幾穀價不至騰踊閭左小民之家採捕織紉
皆可變易完稅軍民兩便官府事亦易集矣此外別有息

詞訟清牢獄飭貪污節浮費通關梁省駟傳數事可以佐
百姓之悉者皆已呈詳制使衙門委曲通行惟停徵一節
事有專屬伏祈矧諒

啓汪東麓憲使

某獨滯泉南日務揆粟施粥與溝壑餓夫數萬人講求生
計而力薄才綿恐姦隨事生雖勞無補門下經綸妙蘊胸
中素儲何以揆贏出奇一振長策以免某于顛隕乎茲因
當道借粟公移專人馳詣附致隔別之私海內窮民爍釜
待炊倚公爲命幸賜同心亟諭給發以援旦夕倒懸之命
拯溺救焚情詞惶迫知不以狂奔盡氣爲怪也

啓徐都閫松峯

漳泉之間餓莩載道邇者急散一說有司奉察院明文分
投幹濟縱錢穀有限而官府德意可掬民已投醪知醉矣
但各衛軍儲事勢不容少緩更請曉諭軍士仍召集知事
頭目示以年荒歲饑公私困竭官府憫恤軍民不得不曲
爲區處一面清查在庫銀兩照依時值自十五年正月以
後每間月一給自十四年以前舊欠之數量給三分之一
埃後成熟之期盡數處補若然則諸軍雖不得全支現年
之糧而獲補支舊欠之數損益相半當亦捫心視勢緘口
無辭矣已將此言呈詳制使但事有專屬謹爲條啓

幼讀朱子全書則知莆中先正有艾軒林先生者比閩郡志知先生德學爲莆中人物領袖私心嚮往非一日之故矣乃者道經先生墓側見荆榛蔽虧樵牧載道周覽之餘爲之矍然輒命有司量加修葺已如期報竣矣然猶訝其苟且塞責未足以樹風聲而示景仰也遂以其事白之補菴大巡因重有此舉切意興起斯文垂範後學艾軒于莆功則偉矣表章先哲昭示來許非高明名世之作其誰宜爲且夫莫爲之先雖美弗彰莫爲之後雖盛弗傳意艾軒如在之靈所以曠百世而相感者將于是乎在乃不避煩瑣敢以碑文爲請惟高明其惠賚之

復戴都憲梁岡

國法嚴禁通番係祖宗防患慎微至意今成平日久人心怠玩頑民武弁朋挾爲姦廢法冒禁實不可長以是不得不懲之以法法旣行則貨自不當還主律有明條非可以意出入者也連日與制臺詳議此事參酌成獄翰至已無可奈何亦不容別議也

啓胡中丞可泉

頃者叨事地方奉職無狀衆怒羣情紛不容口而我公祖老先生獨垂清照加意憐察以是衆言有所折衷而當事

者亦知枉直所歸特加寬憫于是眇眇小子乃以孤窮無倚之身獲與衆周旋並領主恩生還故里管人有言知我者與生我者等門下于我有父母之恩矣某心非木石敢不銘佩忘銜結哉被褐南旋分當詣臺鳴謝緣山人野服不便摳叅又老母在家懸望日久若逃鱗赴壑兼程而下仰瞻衮舄無任依依統希台炤

又復胡中丞

門下文章事業方駕古人海內之士推道望而第名實者久有定屬卽邇者迎駕一事倉卒拜命庶事紛呶而從容指揮談笑辦集雄才魁畧天下其孰能儔之某竊悅凡材

局方自狗宵馳赴職匆遽投艱斯時也雖懷才者未易爲謀而當事者乃不蒙諒察責之以形迹之末權璫僉棍又睥睨其罅隙而投之此所以酬應無方而動多顛踣者也門下葑菲不遺獎借之詞傳至都下親朋來唁咸謂大匠所採當無朽株卞氏之矚終非頑石此會宗所以褫秩而甘心張裒所以焚章而引咎者乎茲復慰以溫諭贈以瑤章使蔀屋之陋光彩復生陳根之朽英華再出某也何幸而獲高明始終培植曲成不遺有若此哉繼自今盟心自課惟有杜門掃軌日嗣股肱營衰白之養庶幾山林日長不廢舊業當從門下宦轍所屆博求翰墨較輯成書使天

下後世觀大方家制作之全而後進之士霑溉膏馥計勤
推勞亦得齒及末學則某無任霑榮矣台役言旋佈忱無
盡盡復陳大叅棟塘外主則外之貴竹諸公皆一時妙選當事救時勤遠殆有深心而來教
云云誠非迂愚所及豈謂小第廢滯不堪將有外慕于是
乎左其詞以相廣耶前書云每見當道爲子愬不平諸公
方竦然聽之其行不行命也某固知公之所以愛我者至
矣而又竊傷公之過厚而因以自累也夫迂僻不量淺薄
妄執尺寸以自媚悅如某者方犯諱觸忌孤立于衆所側

目之途惟得免于黜削戮辱之爲幸而公也過情而厚期
之又違衆而吹噓之夫乃非當道意乎猶幸公平生樹立
表表在人以是諸公怪且諒之無市色遷乙之及焉不者
稱匪其人惟爾不任貴陽之擢且不得在歲事之前矣如
何如何

復李吏部抑齋

仙署尊嚴不敢數以姓名申瀆此誠迂陋所係野人恒態
諒在高明必垂涵炤茲者重枉教札中間詞旨獎借踰分
噓枯吹生委曲成就情至義高可謂薄雲霄而軀今古矣
在執事身在蘭臺日披仕籍彼揚眉躡履負奇邁往者何

限顧于疵賤獨注念真切管人所謂市駿骨招郭隗姑以是存心者耶海濱陳人末繇策副有銘哉而已至于丘壑賤名漫溷章牘非所敢望也

其管又復李吏部以按察申察北城五國河新理人耳其管竊祿貴省自課無一善狀獨有此心不敢負明訓耳此辱闔郡父老追維舊誼欲倡義尸祝某也聞之愧感交集夫君子之道用及在人生有康濟之功則死有俎豆之奉後世緣此遂有生祠大率以旌吏治而寄民思禮緣人情可以義起而非不才所敢當也某之去貴郡垂二十年幸不以類政遺恨于民足矣乃今復有此舉其何德以堪

之伏冀愛人以德亟爲停止倘工役已興緩不及事使某以虛名而重累地方無益也

啓王邑令蒼野

執事忠勇天植建議畚插以爲設險禦寇計此虞民永遠之福國家屏翰之謨亦生輩拚幪之慶也事雖浩鉅行之以實心實政何事弗集所諭地出其財人効其力士協其謀長城萬里隱然在目矣勢際危疑無容膠滯斟酌既定在斷斷而行之卽如城址惟西北高峻不便工役而上下監督人情規避某雖衰老願身先任之鳩工庇材老子堂可暫棲也東南一帶煙火稠密雖多屬宦室市廛而慮

始落成可以義激嚴封翁果願輸官誰復懷私弗讓哉更
祈執事白之上臺諭沿城富民築高垣自衛一以省播遷
之苦一以壯藩垣之勢樓櫓內立剪撲外施賊勢雖猖萬
民不至惶擾而勦襲可漸收功矣燈下草草代佈腹心

啓張尚書半洲

夷寇猖獗勢漸難圖剪滅之計未可責效旦夕竊謂不練
鄉兵不可言守不調客兵不可言戰二者皆當舉行而又
當事者以萬全爲計同事者以協力爲心功罪必明上下
相賴則地方可保平寧可期脫致疎虞則常鎮留都未免
望風震動昨見土兵柔脆遇賊輒奔無足恃賴仰祈軫念

多發湖兵刻期勦滅庶幾邊海要害得保無虞而腹內諸
方不至驚擾耳激切上言

啓聶司馬雙江

遭時艱危道路阻滯百里之程如隔千山此心耿耿惟悵
望而已小邑蕞爾狂寇羣集舊者未行新者繼至今四郊
多壘戰守無策自五月二十一日有賊千餘駕船直抵城
下恣行燒劫屯聚港口地方王縣尹統兵追逐錢叅政感
憤出助協同勦殺力戰不支同時遇害孤城無主人心驚
危幸任兵道星馳扞禦中宵遁去今二十六日又有賊二
千餘人從雙鳳分寇直塘梅林等處去城僅廿餘里僉謂

必得湖兵方可集事已嘗懇之幕府伏惟我公憂時體國
軫念舊治鼎言借重早賜設處不惟草邑萬姓感戴全生
而常鎮遞北亦無不受賜矣

寄嚴瞿二太史

入夏以來寇勢轉劇邑人防守者五閱月公私俱困王尹
死難之日孤城獲存者幸耳今歲晚寇退稍得解嚴卽來
年春夏之交又未知事勢如何耳某惟天王神武軫念
南服勸忠錄義動合機宜一時當事臣工皆極天下之選
上自撫按下及州縣莫不竭忠戮力矢心匡國此真天心
悔禍之秋島夷滅亡之會也第聞論功者貴全臨責效

者忌于欲速變所繇來非朝夕之故矣謂宜酌量區處消
息其間使當事者得以展布其手足曲盡其才猷而又重
爲藩屏圖治千歲月之外可耳公身在雲霄志存康濟時
其二三元老接詞陳謨所以斟酌損益仰舒當宁南顧
之憂惠及鄉閭者宜何如耶某老矣迂言無當聊以布告
哀之私而已

復周邑令光政

伏讀戒險玩平之訓使人凜然如遇嚴師歛心輯意思與
愧并不容自己也今世所謂心腹之交面相誇獎而背實
非之執事于某獨懇懇如是于是知執事所以愛某者在

肝膈肺腑之中而非若俗情之泛泛比也寒門祜薄諸父謝世綜理家政純倚外親家僮輩其卒能斂輯謹守毋干公議乎否執事若有所聞萬勿吝教遠違道範不勝斗山之仰敬此附緘

寄王石崖石溪二年兄

僮來忽聞封翁訃音旅懷悽然悲不自已蓋先君子契執之交至是蔑有存者矣某少孤不肖見先君之所與如見先君梅澗翁告逝東川翁復不錄繼自今無復有談先君舊誼于某者傷哉抑東川翁年登古稀有賢後如吾二執事雖死之日猶生之年獨湯氏索莫如此奈何湯兄弟未

終父喪遽求分與積善之報不應爾爾此縉紳之慘也遠聞二執事居喪守禮絕迹不入公門此誠士夫高節又來翰云貧官自有受用處非實見得安能道此克是心也屣千乘如脫耳美之美之投荒以來日見荒落近惟溫習舊業庶幾勉進以畢初盟奈心麓無復新得可愧可恨便中幸賜教爲荷

寄舜卿姪秀才

曰璋文字筆路雖通而氣格卑弱可將五經左國及韓柳歐蘇四大家中擇取一種雄渾明暢有抑揚有起伏有變化有收拾文字數十百篇令熟讀細玩用心模擬久之脫

換舊格日長月進不自知矣前書及抱孫一事吾姪已有
四子聞大婦今復臨月此實吾父吾兄積德所致若復幸
而生男須與汝弟抱之吾與吾兄一體而分吾姪之子卽
吾孫也萬勿疑貳科場已近可督率諸子弟策勤力學祈
光門戶毋得優游玩易歲月坐馳後悔無及

寄周進士虞川

滄江病夫忽聞榮捷羈懷灑然喜不自勝也德門重望久
固當有今日于茲始發殆天所以大造執事耳昔人有言
水之積也不厚則其負大舟也無力卽執事先十年得此
恐處事應機當不如今日之裕如內外煩簡惟所值而無

不可也所冀不自滿假克養完粹爲異口公輔之地使天
下稱全才巨人指必爲執事先屈同鄉末戚與有榮光顧
不偉哉

寄孟主政小谿

公車去敝邑且三年矣父母之心愷弟之政邑之人常言
之言之遂從而息之以至今而不替日加切焉蓋小人樂
公之不肯而君子德公之有禮繇公旣去任而後邑人始
知公之不易逢也爲國子民如吾小谿者真能繫去後之
息矣哉吳中災旱異常民不堪命執事身在當路有可以
假靈而造福者乎民日望之冀不遐遺也

又寄嚴內翰養齋

執事身在雲霄鄉人之往來南北者戴德頌義如出一口
卽此可以覘知高才他日位晉台司道濟天下滄江卧夫
尚能以餘年佇觀相業之成也某淺劣無似入春以來蒙
頭面壁日思五十餘年之非而未得自分努力耕輸以畢
殘生蟲臂鼠肝聽造化所爲而已過承誤愛嘘枯吹生每
聞當道齒及賤名多所獎借未嘗不感荷高誼愧報稱之
無繇也每于鄉曲宴會獲侍尊封公笑語鳳池動定時有
所聞馳仰間竊欲遙致謝悃茲因舍姪鴻便奉塵記室舍
姪家貧親老志在升斗之祿今聞執事辱置賓館教愛優

渥天上故人爲之一舉手投足則其脫泥沙而致清波有
日矣庇及迂拙感當何如

寄李別駕公懋

執事藏器有年閱天下之義理多矣民之情僞盡知之矣
服官差晚動用自別知己相逢便當傾蓋破格肺肝相照
年力資格豈足道哉今邊陲告警當宁側席撫脾賢豪
此亦志士揚眉脫穎樹奇之會也來翰所稱似涉退步意
者非至情乎某荒惰自屏耕輸僅給窮途永日無所事事
惟闔門靜坐與兒孫輩訂句讀之文出則與二三舊遊流
連泉石庶幾不愧今日堯舜之民而哀年多病猶恐帥氣

之志未能毅然自立而持之有終也來翰獎借過情豈其
厭圖南道遙之樂而猥美飛檜榆枋之適耶竊以爲過矣

寄張上虞雨山

琴堂佳政傳播籍籍客歲嘗從某公問詢道履亟聞父母
神明之譽私心躍然爲之劇喜者數日每值同會諸公過
從未嘗不首述此意以爲遊揚大政之談柄陳人腐語何
足重輕第以葭莩之情出其肺腑之好有不容自己者耳
令嗣挺生勝地今且及晬山川鍾秀老蚌胎珠知其爲英
物也東夷之變流毒江南執事冒險躬屏蔽全邑上不
負朝廷下不負民社生平學術可謂能行其大畧矣山

人抹守敝廬杜門思過卽課督諸孫聊以爲收放心閑邪
習之一助自了此生非有所覩覩于身外之望也

啓舒按院雲溪

執事攬轡澄清憲度貞肅中吳之民始知有生人之樂當
官者始知有法守之尊君子有所恃而爲善小人有所憚
而不敢爲非蓋勞著于一身而德庇乎數百萬衆令行于
一時而澤垂乎數十百禩此非其一人之私言四郡之公
言也公車竣事下恩旨褒嘉帝心簡在宅揆當指日矣矣
伏惟爲國爲道珍忠節宣以慰中外企瞻之望某遲暮之
夫丘樊自適無日不荷斗山之庇而憲牌優寵乃首及衡

某獎譽之詞稱揚過分不知何以自勉仰答天上故人知
受之深也鼎教所諭云操心不改持已有終此即勵其晚
節之至意耶敢不激昂自奮努力矜修以無負大德短狀
代謝曷勝耿耿

官者哉朕亦去矣之尊哉子亦泯泯而為善小人百有
痔車難繼登壽憲與貞肅中吳之另故朕亦主人之樂當
令嗣登治幾雲氣及醉山川鍾秀老蚌胎珠知其為英
賢之與也此坐非神機論于具水之聖也邑上小
入林宇翊聖林門思融明霜替箭絲卿以爲效效小開派



一戶李 四大堂口

一戶魯 德大堂口

一戶揚 五大堂口

一戶京 壽大堂口

一戶談 宗大堂口

受之深也。無敢所論云操心不改持已有終此即勵其晚節之至意耶敢不激昂自奮努力於修以無負大德短狀代謝易勝欣快

官亦故職自去官之聲其年亦泯其而為善小人自世其

海東歸鄉登壽與員補中興之員故職亦入之深當



- 一戶李 四大壹口
- 一戶魯 德大壹口
- 一戶揚 五大壹口
- 一戶景 壽大壹口
- 一戶談 宗大壹口



